

摘藻堂四庫全書薈要

集部

欽定四庫全書薈要

集部

御選唐詩卷十四

詳校官原任主事_臣李斯咏

欽定四庫全書薈要卷一萬九千二百四十五

集部

御選唐詩卷十四

五言律

孟浩然

精思館山房

一作遊精思觀題觀
主山房出處無考

誤入桃源裏

晉書劉實傳誤入卿內陶潛桃花源記武陵人捕魚為業緣溪行忽逢桃花林林盡

水源得一山武平一詩
松寒翠幄雪徑繞花源

初憐竹迳深

梁昭明太子
宿五月啟追涼

竹徑托蔭松間徐陵詩竹迳蒙龍巧茅齋結構新張正
見詩落遠香風急飛多花迳深庾信詩絕愛猿聲近誰



憐花方知仙子宅

漢宮殿名長安有仙人觀天台山賦靈仙之所窟宅曹植遊仙詩王子奉

仙樂又崑崙本吾宅未有世人尋

湛方生廬山神仙詩序絕阻重險非人跡之所遊陸機賦世間

人而為世注一代之人通呼為世康元譏許由世人歸其高行宋之問詩世人共稱嗟梁武帝逸民詩事迹易

見理相

舞鶴過閒砌

梁簡文帝詩遊魚動池葉舞鶴散階塵吳均吳城賦東有鑄劍殘水

西有舞鶴故壘庾信答移市教欲令吹簫舞鶴還反舊鄺鮑照舞鶴賦唳清響於丹墀廣雅砌也飛猿

嘯密林

應場西狩賦俯掣奔猴仰捷飛猿徐陵銘鳴蛇之洞深谷隱於蒼天飛猿之嶺喬木叅於雲日

謝靈運詩密林含餘清遠峯隱半規張九齡詩惟有巴猿嘯哀音不可聽

漸通玄妙理

北史藝術

傳論或叙其玄妙申鑒幽深謂之玄理微謂之妙曹植輔臣論志存太虛安心玄妙成公綏嘯賦玄妙足以通

神悟靈精微足以窮幽測深南史朱臯傳頗言玄理時
為詩詠北史高允傳天下妙理至多何遜問此盧諶詩
昔在暇日深得坐忘心莊子顏回曰回坐忘矣仲尼曰
妙尋通理何謂坐忘曰墮支體黜聰明
離形去智同于
大通此謂坐忘

過故人莊

故人具雞黍

古詩悵然遠相望知是故人來陶潛詩故人杯酒

別論語殺雞為黍而食之後漢書范式傳式與張邵為
友式曰後二年當過拜至期邵白母請殺雞為黍待之

母曰二年之別千里約言何相信之審耶至
日果至范雲詩恨不具雞黍得與故人揮
邀我至田

家謝朓樂府渠輓送佳人玉杯邀上客駱賓王序辭塵
成契冒雨相邀應璩詩田家無所有酌醴焚枯魚陶

潛詩田家

綠樹村邊合

梁簡文帝詩已見垂鉤挂綠樹
任昉詩綠樹懸宿根朱超道詩

豈不苦

古村空列樹劉孝綽還渡浙江
詩日暮愁陰合繞樹噪寒鳥

青山郭外斜

古詩夕宿
青山郭謝

眺詩遠望青山郭呂氏春秋宿於郭
外江總詩樹動丹樓出山斜翠磴危

開軒面場圃

蜀都
賦開

高軒以臨山列綺窗而瞰江阮籍詩開軒臨四野詩九
月築場圃周禮地官場人掌國之場圃而樹之果蒹珍

異之物後漢書仲長統傳場圃築前果園把酒話桑麻
樹後謝朓辭記室箋拾耒場圃奉筆兔園

鮑照詩握君手執杯酒周禮地官載師凡宅不毛者注
謂不樹桑麻漢書地理志魯地地狹民衆頗有桑麻之

業西征賦華實紛敷桑麻條暢陶潛詩相見無雜待到
言但道桑麻長何遜詩善鄰談穀稼故老述桑麻

重陽日

魏文帝與鍾繇書歲往月來忽復九月九日九
為陽數而日月並應故曰重陽輦下歲時記都

城重九後一日宴賞號小重陽

還來就菊花

月令季秋之月菊有黃華南史陶潛九月九日無酒

出宅邊菊叢中坐久之王弘送酒至即便就酌醉而後歸庾信詩蒲城桑落酒灞岸菊花天江總詩故鄉籬下

菊花今日幾花開

送友東歸

士有不得志

史記魏其曰默默不得志張衡四愁詩序張衡不樂久處機密陽嘉中出為河間相

鬱鬱不得志為四愁詩

栖栖吳楚間

後漢書徐穉傳何為栖栖不遑寧處班固答賓戲聖賢之

治栖栖皇皇史記諸侯年表自陳以西南至九疑東帶江淮穀泗薄會稽為梁楚吳淮南長沙國又李廣傳吳

楚軍時廣從太尉亞夫擊吳楚軍取旗

廣陵相遇罷

漢書地理志廣陵國景帝四年更名江都

武帝元狩三年更名廣陵古長干曲妾家揚子渡便弄
廣陵潮枚乘七發將以八月之望觀濤乎廣陵之曲江
詩邂逅相遇
彭蠡泛舟還
說苑楚昭王欲之荆臺遊司
遘我願兮
馬子期進諫曰荆臺之遊左

洞庭之波右彭蠡之水其樂使人遺老謝靈運賦貫廬
江之長路出彭蠡而南浮一統志彭蠡湖在南康府東
南一名鄱陽左傳秦輸粟於晉自雍及絳命之曰泛檣
舟之役王粲詩泛舟蓋長川王彪之詩泛舟理飛棹檣

出江中樹

古樂府長檣鐵鹿子布帆阿那起郭璞江賦
舳舻相屬萬里連檣陰鏗詩行舟逗遠樹度

鳥息危檣謝朓
詩雲中辨江樹

波連海上山

張融海賦山橫巖浪風倒
摧波王筠詩水動連山波

劉孝綽觀濤詩
乍出連山合

風帆明日遠何處更追攀

風土記帆後
風之慢也施

于船前各隨大小為制吳均詩旅帆風飄颺劉刪詩迴
艫乘派水舉帆逐風分庾信詩明朝雲雨散何處更相

尋王祭詩朋
友相追攀

夜渡湘水

張衡四愁詩我所思兮在桂林欲往從之湘水深一統志湖廣長沙府湘

江在府西環城而下源出廣西興安縣海陽山西北流至分水嶺分為二派曰漓水流而南曰湘水流而北湘猶相也言有所合也

客行貪利涉

史記武王封師尚父于齊營丘東就國道宿行違逆旅之人曰吾聞時難得而易失

客寢甚安殆非就國者也太公聞之夜衣而行黎明至國鮑照詩客行惜日月易需有孚先亨貞吉利涉大川又同人于野亨利涉大川陸雲榮啟期贊居貞思樂之林利涉忘憂之治
夜裏渡湘川
左傳宵涉

賴注夜渡畏晉知之漢書趙充國傳充國至金城湏兵滿萬騎夜遣三校銜枚先渡渡輒營陳唐汝詢注湘川

即湘水庾闡詩心結湘川渚目散冲霄
外吳均詩朝雲亂人目帝女湘川宿
露氣聞芳杜英詩

英白雲露彼菅茅傳露亦有雲言天地之氣無微不著
駱賓王詩寒光千里暮露氣三江秋屈原九歌采芳洲

兮杜若注杜香草也沈約郊居賦既取陰于庭樾又
因籬于芳杜庾信對酒歌春水望桃花春洲藉芳杜歌

聲識采蓮者使人繼其聲沈佺期詩還如流水曲日晚
書詩言志歌永言聲依永律和聲禮記善歌

棹歌聲古樂府江南可采蓮蓮葉何田田鮑照詩輿童
唱秉桴擢女歌采蓮南史羊侃傳性豪侈自造采蓮擢

歌兩曲甚有新致榜人投岸火唱注榜船也月令云命榜人歌聲流
漢書司馬相如傳榜人歌聲流

人船長也張協七命淵客唱淮南之曲榜人奏采
菱之歌唐汝詢注榜人望岸火而投恐暗中失道漁子

宿潭烟木華海賦舟人漁子徂南極東劉孝綽釣竿篇
釣舟畫采鷁漁子服冰紈說文潭水深處梁簡

文帝詩夕波照孤月山枝斂夜行侶時相問異苑晉太

烟入水烟浮岸起遙禽逐霧征元末姚祖

為郡吏經衡山下有數少年執筆作書祖謂是行侶休

息乃枉過之未至百步翻然飛颺崔顥詩停舟暫相問

或恐是潯陽何處邊案唐汝詢唐詩解本潯陽作潯陽

同鄉靈注潯陽江碕名一統志潯水在湘川北七十里穀梁

天王狩于河陽傳水北為陽庾信詩御史府中何處宿

洛陽城頭那得栖又不知何處天邊

舟中曉望

挂席東南望

木華海賦維長綃挂帆席謝靈運詩揚帆采石華挂席拾海月周禮夏官職方氏東

南曰揚州梁鴻適吳詩逝舊邦兮遐征

將遙集兮東南詩誰謂宋遠跂予望之

青山水國遙

謝朓

詩不對芳春酒還望青山郭入蜀記姑熟溪東南數峯如黛蓋青山也山南小市有謝玄暉故宅基南望平野極目而環宅皆流泉奇石青林文篠真佳處也一統志

青山在青陽縣北五里縣以此山得名顏延之詩水國

周地險河山信重複舳舻爭利涉漢書武帝紀自尋陽

庾信詩山川遙不見舳舻千里薄樅

陽而出注舳舻後持柁處也舳舻前頭刺櫂處也郭璞

江賦舳舻相屬萬里連檣易同人於野亨利涉大川虞

世南詩良辰喜利來往任風潮任昉濟江詩昧旦乘

涉解纜入淮淶輕風江湖忽來往謝靈

運詩客遊倦水宿風潮難具論祖珽問我今何適吳均

望海詩雲島相接連風潮無極已詩問

予今何去去採江南天台訪石橋孫綽天台山賦天台

蓮莊子彼且奚適也山者蓋山嶽之神秀

者也十道山川考天台山在台州天台縣北十里高萬

八千丈周旋八百里其山八重四面如一又天台山賦

跨穹隆之懸磴臨萬丈之絕冥踐莓苔之滑石搏壁立之翠屏注懸磴石橋也莓苔即石橋之苔也翠屏石橋之上石壁之名也啟蒙記註天台山石橋路徑不盈尺長數十步步至滑下臨絕冥之澗一統志天台山在台州天台縣西百一十里
坐看霞色曉
何遜曉發詩早霞麗初日清風消薄霧梁簡文帝詩薄雲初起雨曙色始成霞疑是赤城標天台當由赤城山為道徑曾稽記赤城山名色皆赤狀似雲霞十道山川考赤城山在天台縣北六里遊天台山賦赤城霞起而建標注天台山圖赤城山天台之南門也建標立物以為之表識也

王維

奉和聖製賜史供奉曲江宴應制

唐書百官志乘輿所在必

有文學之士下至伎術之流直於別院太宗時時召名儒學士草制而猶未有名號乾封以後始稱北門學士開元初乃置翰林待詔以張說張九齡等為之掌四方表疏批答應和文章又既以中書務劇文書擁滯乃選文學之士號翰林供奉與集賢院學士分掌制勅西京雜記京城龍華寺南有流水屈曲謂曲江秦時為宜春苑漢為樂遊苑劇談錄曲江池唐開元中疏鑿為勝境花卉環列烟水明媚都人遊玩盛於中和上巳節一統志曲江池在西安府城東南一十里國史補進士大宴于曲江亭子謂之曲江會

侍從有鄒枚

漢書嚴助傳厭承明之廬勞侍從之事庾信詩平時欣侍從沈佺期應制詩自喜恩

深陪侍從史記梁孝王來朝從遊說之士齊人鄒陽淮陰枚乘吳莊忌夫子之徒相如見而說之水經注梁孝

王大治宮室自宮連属于平臺與鄒枚司瓊筵向水開

馬之徒極遊於其上李白詩梁苑傾鄒枚

謝朓詩既通金閨籍復酌瓊筵醴舊唐書傳論降輿朱
邸對食瓊筵阮脩上已會詩坐此華筵臨彼素流阮籍

東平賦背險向水沈佺期早朝言陪栢梁宴陸機詩居
詩閭闔連雲起巖廊拂霧開

從朱輪鮑照詩陳鍾陪夕讌漢書武帝紀元鼎二年春
起栢梁臺古文苑武帝作栢梁臺詔羣臣二千石能為

七言詩者乃得上坐王融詩新下建章來晉神絃歌真
小臣竊自嘉預奉栢梁宴官今來下漢

武帝歌黃鵠飛兮下建章史記東方朔傳陛下以城中
為小園起建章左鳳閣右神明號稱千門萬戶括地志

建章宮在雍州長安縣故城西張說詩贈君芳對酒山
杜草為植建章臺李嶠詩白玉仙輿紫禁來

河滿魏武帝樂府對酒歌太平陸機樂府良會罄美服
對酒宴同聲史記項羽紀關中阻山河四塞地肥

饒可都魏書崔光傳遠存瞻眺周移舟草樹迴梁元帝詩自解

青絲纜將移丹桂舟梁簡文帝採蓮賦畏風多而榜危驚舟移而花遠庾信賦草樹混淆枝格相交宋之問詩

草樹饒野意山川多古情蜀都賦流漢天文同麗日梁昭

湯太子謝看講啟莫測天文徒觀玉府鄭義真奉和過溫湯詩天文遂仰觀詩疏王者繼天理物當與日同故

易曰大人與日月合其明也王褒燕歌行駐景惜行杯初春麗日鶯欲嬌沈約詩麗日屬上巳

蘇武詩隨時愛景光王融散曲徐歌駐行景史記叔孫通傳諸侯羣臣皆朝禮畢復置法酒以尊卑次起上壽

觴九行梁元帝詩復看遥舸似行杯

從岐王過楊氏別業應教

舊唐書惠文太子範傳初封鄭王改封衛

王徙封巴陵郡王進封岐王好學工書雅愛
文章之士與閻朝隱劉庭琦張諤鄭繇篇題
倡和多聚書畫古跡為時所稱宋書謝靈運
傳靈運移籍會稽脩營別業傍山帶江盡幽

居之美

揚子談經處

揚雄解難宓犧氏之作易也縣絡天地經
以八卦文王附六爻孔子錯其象而彖其

辭然後發天地之藏定萬物之基典謨之篇雅頌之聲
不溫純深潤則無以揚鴻烈而章緝熙漢書揚雄傳贊

雄以為經莫大於易故作太
玄文中子劉炫見子談六經
淮王載酒過
漢書淮南王
傳淮南王安

為人好書鼓琴招致賓客方術之士數千人又揚雄傳
贊雄家貧嗜酒人希至其門時有好事者載酒肴從遊

學興闡啼鳥緩

緩一作換南史沈慶之傳沈僧昭為山
陰縣武陵王紀為會稽太守宴坐池亭

蛙鳴聒耳殊廢絲竹之聽僧昭呪厭十許口便息及日晚王欲其復鳴僧昭曰王歡已闌今恣汝鳴即便喧聒樂府前溪歌但聞林鳥啼庾信詩春山坐久落花多梁百鳥啼顧野王羅敷行風輕鶯韻緩

帝詩坐久翠眉愁顧野王羅敷行露重落花遲庾信馬射賦落花與芝蓋齊飛李德源詩池上落花浮徑

轉迴銀燭

杜審言詩徑轉危峯逼橋迴缺岸妨穆天子傳天子之珣璇珠燭銀注銀有精光如燭也

鮑照賦潤蓬山之瓊膏輝葱河之銀燭王勃越州林開山亭序星迴漢轉露下風高銀燭掩花瑤觴抒興

散玉珂

陶潛詩林鳥喜晨開梁元帝春日詩玉珂隨風度金鞍照日輝舊唐書輿服志馬珂一品以下

九子四品七子五品五子類篇鷗入海為珂爾雅翼曰珂黃黑色其骨白可以飾馬非特取其容兼取其聲

嚴城時未啟

抱朴子恐奸繫之不虞故嚴城以備之沈約文塞草未衰嚴城于焉早閉周禮閭人

以時啟開謝朓詩平明振衣坐重門猶未開

前路擁笙歌

陶潛歸去來辭問征夫以前路鮑照

大雷岸與妹書風吹雷款夜戒前路孔稚珪褚先生碑子晉笙歌馭鳳于天海江淹賦笙歌畹右琴舞池東

秋宵寓直

潘岳秋興賦序以太尉掾兼虎賁中郎將寓直於散騎之省注寓寄也

建禮高秋夜

漢典職尚書郎主作文書起草晝夜更直於建禮門內蔡質漢官儀宮北朱雀門至

止車門內崇賢門內建禮門文選注崇禮門東建禮門即尚書下省門古樂府高秋八月九月沈約詩臨池清潯景開幌望高秋蕭子顯自

承明候曉過

漢書嚴助傳賜書曰詔制會稽

太守君厭承明之廬張晏注承明廬在石渠閣外直宿所止曰廬玉海漢承明在石渠閣外為祕府居近君之地所以親儒生劉孝綽詩步出金華省遙望承明廬鮑照賦曜繡羽以晨過

九門寒漏徹

禮記

餽獸之藥毋出九門注天子有九門謂關門遠郊門近郊門城門皋門庫門雉門應門路門也唐書高祖紀永

徽五年十月癸卯集京師羅郭起觀于九門六典京城左河華右隴坻前終南後九變南面三門中曰明德左

曰啟夏右曰安化東面三門中曰春明北曰通化南曰延興西面三門中曰金光北曰開遠南曰延平鮑照還

都道中詩太息終晨漏左思吳都賦晷漏肅唱萬井曙明宵有程竇翬漏賦濃氛鬱沉轉冬漏于寒林

鐘多周禮方百里為一同積萬井其中漢書刑法志天子畿內提封萬井陳子昂謝賜衣表三軍叶慶萬

井相歡庾肩吾月迥藏珠斗駱賓王詩月迥寒沙靜風詩風長曙鐘近

之七政天之諸侯亦謂帝車魁四星為璇璣杓三星為玉衡齊七政斗為人君號令之主漢書律歷志日月如

合璧五星雲消出絳河司馬相如大人賦煥然霧除霍如連珠然雲消阮籍大人先生傳雲氣

消真人來廣志天河亦曰絳河漢武帝內傳上元夫人
遣一侍女問云上聞起居遠隔絳河庾信步虛詞絳河
因遠別黃鵠來相迎杜審言七
夕詩白露含明月青霞斷絳河
更慚哀朽質江總詩庸
哀朽連章
南陌共鳴珂梁武帝河中之水歌十四採桑南陌車梁元帝詩鳴珂隨躅駛輕塵漾影移徐陵詩華軒翼葆吹飛蓋響鳴珂

輞川閒居贈裴秀才迪

唐書王維傳維別墅在輞川地奇勝有華子岡

敬湖竹里館柳浪茱萸新辛夷塢與裴迪遊其中賦詩相酬為樂一統志輞川在西安府

藍田縣西南唐王維置別業於此

寒山轉蒼翠

謝朓詩蒼翠望寒山崢嶸瞰平陸陰鏗詩寒山但見松徐陵詩山寒微有雪石路本

無秋水日潺湲

莊子秋水時至百川灌河晉書阮籍傳贊秋水揚波春雲飲暎梁元帝詩重以

秋水文波秋雲似羅九歌觀流水兮潺湲七發滌汨潺湲波揚流灑謝靈運詩石淺水潺湲日落山照耀又入

華子罔詩且申獨倚杖柴門外晉春秋謝安所居有松往章朶月弄潺湲

詩腰鑿刈葵藿倚杖牧雞豚後漢書楊震傳于是柴門絕賓客十六國春秋前涼錄沮勝家財五十萬悉散之

于宗族柴門灌園以琴書自娛臨風聽暮蟬古詩臨風陶潛文翳翳柴門事我宵晨

莊賦臨風歎兮將焉歇謝靈運詩蕭瑟含風蟬送懷抱謝嘹唳度雲雁江總詩山階步皎月澗戶聽涼蟬渡頭餘

落日

梁簡文帝烏棲曲採蓮渡頭擬黃河卽今欲渡畏風波張九齡詩萬井綠津渚千艘咽渡頭謝靈運

賦望新晴于落日謝惠連詩落墟里上孤烟陶潛詩暖日隱簷楹鮑照詩日落嶺雲歸暖遠人村

依依墟里烟范雲詩江干遠樹浮天末孤
烟起更信詩野成荒烟起青山百鳥啼

復值接輿醉

論語楚狂接輿歌而過孔子莊子吾聞言於接輿大
無當往而不返吾怖其言若河漢而無極也高士傳接

輿姓陸名通晉書袁宏
傳遇醉忘辭在醒貽答

狂歌五柳前

袁宏三國名臣序
贊接輿以之行歌

魯連以之赴海盧照鄰山行詩狂歌欲歎鳳失路反占
龜晉書陶潛傳常著五柳先生傳以自況曰先生不知

何許人亦不詳其姓氏宅邊有五柳樹因以為號焉梁
昭明太子啟尋五柳之先生琴尊雅興謁孤松之君子

鸞鳳騰翻更信詩三山
猶有鶴五柳更無春

歸嵩山作

清川帶長薄

曹植文振冠南嶽濯纓清川劉楨詩清川
過石渠陸機詩清川帶華薄又按饒遵長

薄吳均詩花舞依長薄
楚辭注草木交曰薄

車馬去閑閑

詩子有車馬弗馳
弗驅古詩驅車策

驚馬游戲宛與洛詩十
畝之間芳桑者閑閑方

流水如有意

詩汚彼流水朝宗
于海庾信詩春洲

鸚鵡色流水
水桃花香

暮禽相與還

蕭子隆詩初松切暮鳥孔德紹
詩遠枝驚夜禽陶潛詩山氣日

夕佳飛鳥
相與還

荒城臨古渡

陰鏗詩荒城高似落庾信詩
日晚荒城上蒼茫餘落暉落

日滿秋山

謝靈運撰征賦望新晴于落日蕭琛詩落日
搖征響江淹詩金鏐映秋山梁昭明太子書

悟秋山之心
登高而托遠

迢遞嵩山下

謝瞻詩迢遞封畿外支
曇諦賦而崔魏背迢遞歸來

且閉關

中說或問陶元亮子曰哲人也歸去來有避地
之心焉五柳先生則幾於閉關矣沈約詩且復

共歸來含情寄杯酒願延之
詩劉伶善閉關懷情減聞見

輞川閒居

唐書王維傳維別墅在輞川地奇勝有華子岡欽湖竹里館柳浪茱萸泚

辛夷塢一統志輞川在西安府藍田縣西南曹拉遊觀賦靜閒居而無事將遊目以自娛

魏書李騫傳處江淮而不變對朝市而閒居

一從歸白社

晉書董京傳初與隴西計吏俱至洛陽被髮而行逍遙吟詠常宿白社中沈約郊居

賦乍容身於白社亦寄孥于伯通一統志白社在河南舊洛城建春門晉逸士董京居此

不復到

青門

詩蹶父孔武靡國不到三輔黃圖長安城東出南頭第一門名曰青城門或曰青門阮籍詠懷詩昔

聞東陵瓜近在青門外

時倚簷前樹

列子心凝形釋骨肉都融不覺形之所倚足之所履隨風

東西猶木葉幹散莊子今子外乎子之神勞乎子之精倚樹而吟據槁梧而瞑徐陵長干寺碑遊巖倚樹宴坐

經行唐太宗詩碧鱗
驚棹側紫燕舞簷前

遠看原上村

徐陵太極殿銘甘泉
遠望觀正殿之崢嶸

函谷遙看美皇居之佳麗水經注淇水又東北
逕淇陽川逕石城西北城在原上帶澗枕淇

青菰臨

水暎

說文蔣菰也廣雅菰生陂澤中葉如蒲葦春亦生
筍謂之茭白西京雜記菰之有首者謂之綠節宋

玉九辨登山臨水兮送將歸李嶠詩曉來何處低臨水
無限鴛鴦妒不飛謝靈運山居賦華映水而增光氣結

風而回數何遜七名
綺霞映水蛾月生天

白鳥向山

翻

詩塵鹿濯濯白鳥翯
翯又振鷺于飛傳鷺

白鳥也西京雜記白鳥朱冠鼓翼池干管子鳥之飛也
必還山集谷詩肇允彼桃蟲折飛維鵠釋文折芳煩反

洪武正韻

寂寞於陵子

莊子恬淡寂寞虛無為此道
德之質也宋玉九辨燕翩翩其

辭歸兮蟬寂寞而無聲淮南子太清之始和順以寂寞
孟子處於於陵䟽於陵齊之別邑劉向於陵子序於陵

子齊之廉士名子終為人灌園著書十二篇高士傳陳仲子齊人也將妻子適楚居於陵自謂於陵仲子楚王聞其賢欲以為相遣使持金百鎰聘仲子仲子謝使使者逃去為人灌園張協詩取志於陵子比足黔婁生

梲方灌園

莊子子貢過漢陰見一丈人方將為圃畦鑿隧而入井抱甕而出灌子貢曰有械於此鑿

木為機後重前輕挈水若抽數如沃湯其名為梲又師金曰子獨不見夫桔槔者乎引之則俯舍之則仰禮記奉帝如橋衛注橋井上梲槲釋文梲音結依字作桔槲見莊子史記商君傳趙良見商君曰何不歸十五都灌園于鄆潘岳閑居賦灌園鬻蔬以供朝夕之膳

送梓州李使君

唐書地理志梓州梓潼郡本新城郡天寶元年更名元和志梓

州禹貢梁州之域秦為蜀郡漢置廣漢郡宋置新州開皇末改為梓州因梓潼水為名也

一統志四川潼川州唐為梓州

萬壑樹參天

鮑照詩吞納百川寫泄萬壑又河清頌序澄波萬壑潔瀾千里徐陵文喬樹參於雲

日周弘讓詩灌木上參天

千山響杜鵑

梁簡文帝銘野寂雲興禽繁山響禽經江左曰子規蜀右

曰杜宇歐越曰怨鳥一曰杜鵑荆楚歲時記杜鵑初鳴先聞者主別離

山中一夜雨

沈約詩山

中咸可說賞逐四時移楚辭山峻高以蔽日兮下幽晦以多雨北史吳遵傳山出雲故知有雨鹽鐵論太平之時旬而一雨

樹杪百重泉

張衡西京賦杪木末注杪猶表也定法師孤石詩崑隈恒

灑浪樹杪鎮搖風水經注瀑布水出山腹挂流三四百丈飛湍林表望若懸素淮南子積水重泉鼃鼃之所便也丘遲詩萬尋仰漢女輸幢布左思蜀都賦巴姬彈絃危石百丈窺重泉漢女擎節沈約詩巴童

暗理瑟漢女夜縫裙又蜀都賦布有撞華彪有枕柳注
撞華者樹名撞其花柔毳可績為布也元和志梓州賦

布巴人訟芋田

左傳哀公十八年巴人伐楚華陽國志禹治水命州已蜀以屬梁州漢書貨殖

傳蜀卓氏曰吾聞岷山之下有跋鵠師古志跋鵠謂芋也又華陽國志汶山郡有大芋如跋鵠也蜀都賦其園

則有藟弱菜
萸瓜疇芋區

文翁翻教授

漢書文翁傳文翁少好學通春秋為蜀郡守見蜀地僻陋

欲誘進之選郡縣小吏開敏有材者遣詣京師受業博士又脩起學宮招下縣子弟以為學官弟子繇是大化

比齊不敢倚先賢

書不惟不敢亦不暇廣韻倚依倚也禮記祀先賢于西學傳休奕詩依賢

義不
恐

登河北城樓作

唐書地理志陝州縣平陸本河北隸蒲州貞觀元年來屬記纂

淵海平陸縣春秋虞國地漢屬河東郡後魏置河北郡唐天寶初以開漕漕得古劔有篆

文曰平陸
因更名

井邑傅巖上

周禮九夫為井四井為邑陸雲詩井邑自相循書說築傅巖之野惟肖傳傅氏之巖

在虞虢之界通道所經有澗水壞道常使胥靡刑人築護此道說賢而隱代胥靡築之以供食記纂淵海傅巖在平陸縣東即傅說隱處楚辭說操築于傅巖兮武丁用而不疑陶弘景尋山志散髮解帶盤旋巖上

客

亭雲霧間

水經注灤水北為大明湖湖上有客亭左右楸梧水木明瑟劉潛書暮宿客亭晨炊謁舍

李白勞勞亭詩天下傷心處勞勞送客亭木華海賦薈蔚雲霧盧諶詩山阿起雲霧杜鵑香詩逍遙雲霧間呼

吸發
九疑
高城眺落日

梁元帝詩却月隱高城謝朓詩寒城一以眺平楚正蒼然鮑照詩迴眺出

谷雲謝靈運撰征賦望新晴於落日
靈照鄰詩飛泉如散玉落日似懸金
極浦映蒼山

楚辭望濤

陽方極浦江淹詩停艫望極浦水經注夷水逕宜都北
東入大江所經皆石山畧無上岸其水虛映俯視游魚

如乘空也謝朓詩蒼翠望寒山岵嶸瞰平陸郭熙山水
訓山之烟嵐四時不同春山澹冶而如笑夏山蒼翠而

欲滴岸火孤舟宿何遜詩暮烟起遙岸崔國輔詩村烟和
海霧舟火亂江星陶潛詩渺渺孤舟逝

綿綿歸思紆入文舫
舟同濟三宿水濱漁家夕鳥還

維本集詩漁家逐水愛山春沈約詩網蟲

垂夕織夕鳥傍簷飛何遜詩日夕栖鳥遠浮
雲起秋色陶潛詩厲厲氣遂嚴紛紛飛鳥還

寂寥天地

暮楚辭九辨寂寥兮收潦而水清庾信步虛詞絕想寂
寥前易天地定位山澤通氣蔡邕釋誨時逝歲暮默

而無心與廣川閒琴賦思假物以託心李白詩心與浮
雲閒王綰詩方舟順廣川謝靈運詩

含悽泛廣川劉鑠詩河廣川無梁山高路難
越孫綽遊天台賦遊覽既周體靜心閒

使至塞上

單車欲問邊

史記信陵君傳晉鄙舉手視公子曰吾擁十萬之衆屯于境上國之重任今單車來

代之何如哉漢書龔遂傳為渤海太守單車獨行至府
李陵答蘇武書足下昔以單車之使適萬乘之虜漢書

武帝紀元封元年遣使者告單于曰單車屬國過居延
于能戰天子自將待邊不能亟來臣服

霍去病傳分處降者于河南因其故俗為屬國注不改
其本國之俗而屬于漢故號屬國又武帝紀將軍霍去

病公孫敖出北地二千餘里過居延注居延匈奴中地
名韋昭以為張掖縣失之張掖所置居延縣以安處所

獲居延人
而置此縣
征蓬出漢塞
陳後主詩鳥轉逐征蓬史記匈奴傳單于既入漢塞未至馬邑

百餘里見畜布野而無人牧怪之後漢書和帝紀論歸
偏師出塞則漠北地空張正見關山月輪隨出塞車

雁入胡天

史記楚世家楚人有好以弱方微繳加歸雁之上者漢武帝秋風詞草木黃落兮雁南歸

梁簡文帝詩一雁聲嘶何處歸
張正從軍詩長榆接遠天

大漠孤烟直

李陵答蘇武書出大

漠之外後漢書竇憲傳燕然山銘曰陵高閣下雞鹿經
積鹵絕大漠范雲詩天末孤烟起庾信詩野戍孤烟起

又閑烽

長河落日圓

庾信賦對玉關而羈旅坐長河而暮年江淹別賦去復去兮長河湄

張正見折楊柳色映長河水謝朓詩曖曖日將落何遜
詩蒼茫落日暉呂氏春秋日在天視其奚如曰正圓山

海經西望日之所入其氣
圓何遜詩赤日下城圓

蕭關逢候吏

漢書李廣傳孝文十四年匈奴

入蕭關注在上郡北唐書地理志大中五年以蕭關置
武州李德林從駕還京詩蕭關獵騎旋張說詩出得蕭

關北儒衣不稱身後漢書王霸傳光武至下曲陽傳聞
王郎兵在後至虜沱河候吏還白河水流漸無船不可
濟光武令霸往視霸即曰水堅可渡光武笑曰候吏果妄語也都護在燕然漢書鄭吉

車師降日逐威震西域遂并護車師以西北道故號都
護都護之置自吉始焉後漢書和帝紀論都護西指則
通譯四萬梁簡文帝渡關山詩直指遮歸道都護掩前
期後漢書竇憲傳溫犢湏日逐等八十一部率衆降遂
登燕然山刻石勒功紀漢威德薛道衡出塞詩受降今更築燕然已重刻

岑參

奉送李太保兼御史大夫充渭北節度使

即太傅光

弼弟舊唐書職官志正一品太保一負三師
訓導之官天子所師也從三品御史大夫一

貞掌持邦國刑憲典章以肅政朝廷天寶中緣邊禦戎之地置八節度使受命之日賜之旌節謂之節度使得以專制軍事外任之重無比焉又李光弼傳光弼營州柳城人上元元年加太尉兼中書令弟光進與李輔國同掌禁兵代宗委以心膂加太子太保兼御史大夫涼國公渭北節度使光進與光弼甲第並開極一時之榮

詔出未央宮

漢書宣帝紀下詔假公田貸種食曹植表願陛下沛然垂詔使諸國慶問四節得展

北齊書魏蘭根傳發詔授官咸由聖旨史記蕭丞相營作未央宮漢書蕭何作未央宮潘岳關中記未央宮殿皆疏龍首登壇近總戎史記淮陰侯傳贊相國深薦策山土作之登壇近總戎拜登壇漢書高帝紀漢王設壇場拜信為大將軍張九齡送趙都護詩遠圖常畫地超拜乃登壇溫子升請大將表脫獨委臣專總戎旅兵術

靡常軍機屢變以臣當之必所未達上公周太保書庸
裴讓之詩皇威奮武畧上將統神兵

于上公又立太師太傅太保茲惟三公又王朝步自周
則至于豐惟太保先周公相宅禮記保也者慎其身以
輔翼之而歸諸道者也大戴禮昔者保其身體也
在襁褓之中召公為太保保者保其身體也

副相漢

司空

漢書朱雲傳御史大夫宰相之副九卿之右不可
不選又百官表御史大夫秦官位上卿銀印青綬

掌副丞相應劭曰侍御史之率故稱大夫掌副丞相唐
中宗制誠副相之禁級實次卿之通任書伯禹作司空
又三八政四曰司空又司空掌邦土居四民時地利漢
書成帝紀以御史大夫為大司空又百官志司空公一
人掌水土事

弓抱關西月

王褒詩俯視雲似蓋低望月如弓
庾信詩明月動弓猶明餘慶詩劍

花寒不落弓月曉逾明唐太宗詩野落飛星劍弦虛半
月弓吳均詩何當見天子畫地取關西王融詩抱月如

可明懷風
殊復清

旗翻渭北風

劉孝綽詩臨風盡角憤耀日采
旗翻謝庭賦陰風發陳雲屯

鼓震紅旗翻舊唐書李光進傳光進從郭子儀破賊成
兩京累有戰功遷渭北節度使周弘讓復王少傳書江

南煥熱橋抽冬青渭北洹寒楊榆晚葉江總詩終南雲
影落渭北雨聲過楚辭乘回風兮載雲旗魏叔詩仁旗

指旦
弟兄皆許國

管子善氣迎人親如弟兄後漢書耿
弇傳為大將軍與弟舒連擊五校賊

破之光武即位詔弇進攻漁陽弇以父况據上谷兄弟
無在京師者自疑不敢獨進上書求詣洛陽詔報曰將

軍舉宗為國何嫌何疑而欲求徵况聞亦遣舒弟國入
侍帝善之復以國弟廣舉並為中郎將弇兄弟六人皆垂

青紫當代以為榮晉書陸玩傳以身許國義
忘曲讓孔稚圭詩本持許國志况復武德彰
天地荷成

功書地平天成萬世永賴時乃功又立太師太傅太保
變理陰陽貳公弘化寅亮天地弼予一人陸陸石闕

銘雷動風驅天行地止袁朗
詩規模唯聖作負荷曉成功

寄左省杜拾遺

唐書百官志龍朔二年改門
下省曰東臺侍中曰左相又

門下省左拾遺六人掌供奉諷諫又杜
甫傳至德二載走鳳翔上謁拜左拾遺

聯步趨丹陛

禮記拾級聚足連步以上王筠詩昔入睢
陽苑連步披風雲北史樊子蓋傳願奉丹

陛隋書薛道衡傳趨
事紫宸馳驅丹陛

分曹限紫微

楚辭分曹並進干寶
司徒儀從事中郎之

職分曹綱紀其事維正大體唐書百官志開元中改政
事堂號中書門下列五房於其後分曹以主眾務又罷

東西分日之限晉書天文志紫微大帝之座天子之常
居也唐書百官志開元元年改中書省曰紫微省中書

令曰紫微令六典宣政殿東廊有日華門門下省在門
外東上閣即在殿左宣政殿西廊有月華門中書省在

門外西上閣
即在殿右

曉隨天仗入

唐書儀衛志朝會之仗有五皆帶日捉仗列於東西廊下

五代史李琪傳唐故事天子日御殿見羣臣曰常參朔望薦食諸陵寢御便殿曰入閣宣政前殿也謂之衙衙

有仗紫宸便殿也謂之閣其不御前殿而御紫宸也乃自正衙喚仗由閣門而入百官候朝于衙者因隨以入

見故謂之入閣雍錄貞觀元年制自今中書門下及三品以上入閣議事皆命諫官隨之有失輒諫又東西二

閣在宣政殿東西兩序分立朔望御紫宸則宣政所立之仗聽喚而入先東立者隨東仗入自東閣先西立者

隨西仗入自西閣暨至會於暮惹御香歸

何遜詩晴軒連瑞氣同惹

御香芬沈佺期詩
爐氣晨飄接御香

白髮悲花落

論衡白髮復黑齒落更生陶潛詩白髮被兩鬢

易林歲暮花落陽入陰室陸雲詩時暮復何言花落理必賤江淹詩花落豈留英

青雲羨鳥飛

史記伯夷傳非附青雲之士烏能施於後世哉揚雄解嘲當途者升青雲陶潛詩望雲慚高鳥陸機詩仰瞻凌

霄鳥羨爾歸飛翼

聖朝無闕事

馮衍說鄧禹書聖朝享堯舜之樂將軍荷授契之烈杜審言詩

聖朝尚邊策詔論兵戈偃詩衮職有闕惟仲山甫補之後漢書梁冀傳宜崇賢善以輔朝闕吳越春秋達於策

慮輕於朝事

自覺諫書稀

漢書儒林傳王式為昌邑王師治事使者責問曰師何以無諫書徐

儀詩隨意尺書稀

酬崔十三

案品彙本作酬崔十三侍御登玉壘山思故園見寄

玉壘天晴望

左思蜀都賦廓靈闕以為門包玉壘而為宇劉孝威蜀道難玉壘高無極銅梁不可

攀一統志四川成都府玉壘山在灌縣西北二十九里湔水出此案湛方生有天晴詩梁簡文帝詩凍解池開

淥雲穿諸峰盡覺低謝靈運山居賦羣峯參差出其間

天半晴連岫複陸成其坂蕭慙望山詩巖

低石倒險嶺故園江樹北詩樂彼之園園有樹檀駱賓王詩惟有寒潭菊獨似故園

高松更踈花謝朓詩天際識歸舟雲中辨江樹宋之問詩河橋

不相送江樹遠含情又鄉連江北樹雲斷日南天斜

日嶺雲西梁簡文帝詩斜日晚駸駸庾肩吾詩去影背斜日虞世南詩綠野明斜日青山淡晚烟鮑

照詩日落嶺雲歸陶弘景詩山中何所有嶺上曠野看

多白雲淮南子曰西垂景在樹端謂之桑榆

人小詩匪兕匪虎率彼曠野阮籍詩登高望九州悠悠

分曠野隋書天文志置器廣庭則函牛之鼎如釜

堂崇十仞則八尺之人猶短物有陵之非形異也王孝

禮詠鏡詩猶嫌鏡裏促看人未好通陳後主臨高臺烟

裏看鴻小風長空共鳥齊唐太宗詩殘雲收翠嶺夕霧

來望葉回結長空魏志管輅傳注凌虛

之鳥愛其清高不願江漢之魚阮籍詩高鳥翔山岡燕雀棲下林

山高徒仰止

管子山者物之

高者也惠者主之高行也詩高山仰止景行行止晉書慕容廆載記欽高仰止注情彌久不得日攀躋詩求之不得寤寐思服南史王弘之傳嘗垂綸於三石頭過者不識問得魚賣否弘之曰亦自不得得亦不賣說文攀引也穀梁大事于大廟躋僖公傳躋升也

陪封大夫宴瀚海亭納涼

舊唐書封常清蒲州猗氏人天

寶十一載為安西副大都護攝御史中丞十三載入朝攝御史大夫仍權知北庭都護持節充伊西節度等使唐書地理志關內道瀚海都督府以回紇部置

細管雜青絲

詩既脩乃奏蕭管脩舉更信詩細管吹叢竹新杯卷半荷崔湜詩仙管雜風流後漢

招商歌清絲流管歌玉鳧雲世南詩鏞管咸奏絲桐畢陳宋之問詩主人絲管清且悲

千杯倒接

羅

孔叢子平原君與子高飲強子高酒曰昔有遺諺堯舜千鍾孔子百觚子高曰以子所聞聖賢以道德兼

人未聞以飲也晉書山簡傳山簡鎮襄陽惟酒是耽童兒歌曰山公出何許往至高陽池日夕倒載歸酩酊無所知時時能騎馬倒著白接羅爾雅注白鷺翅上有長翰江東取為接羅按白接羅白中也庾信詩不如飲酒高陽池日暮軍中乘興出漢書周亞夫傳軍中聞將軍歸時倒接羅

軍中乘興出

漢書周亞夫傳軍中聞將軍

軍中不得驅馳王祭詩軍中多沃饒人馬皆溢肥晉書王徽之傳徽之忽憶戴逵夜乘小船詣之造門不前而返人問其故徽之曰本乘興而來興盡而返何必見安道耶陶弘景尋山誌乃乘興而遂往遵巖路以遠遊

海上納涼時

漢書蘇武傳武既至海上廩食不至掘野鼠去草實而食之於野王弼射海上給其

衣食陰鏗詩海上春雲雜天際晚帆孤吳地記夏駕湖
壽夢盛夏乘駕納涼之處李百藥賦或通天而納涼徐

陵詩納涼高樹下直坐落花中

日沒鳥飛急

阮籍詩日沒不周西月出丹淵中陸機樂府白日既

沒明燈輝陶潛詩日沒星與昴勢翳西山巔又衆鳥相
與飛簡文帝詩野鳥墜塘飛又隴泚雁初飛詩隴狹朝
聲聚風急暮行稀虞世

山高雲過遲

詩陟其高山陸機詩驅馬陟陰山

高馬不前沈約八詠吳山高方高難度淮南子山致高
而雲起馬沈約白雲詩秋風西北起飄我過城關陳後

主詩山高雲氣積陸雲九慙方輕颺而炯遲

吾從大夫後

詩三事大夫禮記五十命為大夫唐

書百官志御史臺大夫一人正三品論語以吾從大夫之後

歸路擁旌旗

陶潛詩行循歸路

計日望舊居謝靈運詩始得傍歸路沈佺期詩歸路烟
霞晚山蟬處處吟尚書符擁旗方伯周禮交龍為旂析

羽為旌潘岳文旌旗電揮使信詩旌旗事
琬珪董思恭詩願逐旌旗轉飄飄侍直廬

梁州陪趙行軍龍岡寺北庭泛舟宴王侍御書

地理志興元府漢中郡本梁州漢川郡開元
十三年以梁涼聲相近更名褒州二十年復
曰梁州唐書百官志行軍司馬掌弼戎政居
則習蒐狩有役則申戰守之法詩汎彼栢舟
亦汎其流北史裴叔業傳梁祐叔業從姑子
也從容風雅嘗與朝廷名賢汎舟洛水以詩
酒自娛唐百官志御史臺其屬
有三院一曰臺院侍御史隸焉

誰宴霜臺使

晉書王羲之傳欲與親知時共歡宴韓休
詩祖宴初留賞崔篆御史歲簡上霜凝筆

端風起杜氏通典御史所居之署謂之憲臺為風霜之
任漢書雋不疑傳暴勝之為直指使者唐書百官志監

察御史分察尚書省六司錄
下第一人為始出使亦然

行軍粉署郎

又參送程使
君詩好日幾

行軍漢官儀省中皆胡粉塗壁故曰粉署白帖諸曹郎
曰粉署亦曰仙署沈佺期詩盈盈粉署郎五日宴春光

唱歌江鳥沒

七命川客唱淮南之曲榜人奏採菱之歌
梁簡文帝當壚曲迎來挾瑟易送別唱歌

難張正見釣竿篇人來水鳥
沒韋承慶詩江鳥沒還浮

吹笛岸花香

古今注武溪
深馬援南征

所作援門生袁寄生善吹笛援作歌以和之後漢書馬
融傳好吹笛庾信詩短歌吹細笛何遜詩岸花臨水發

江燕遶牆飛釣竿篇檝渡岸花沉
晉白紵舞歌陽春白日風花香

酒影搖新月

晉書樂
廣傳嘗

有親客久濶不復來廣問其故答曰前蒙賜酒見杯中
有蛇意甚惡之既飲而疾於時廳壁間有角漆畫作蛇
廣意杯中蛇即角影也復置酒于前處謂客曰酒中復
有所見否客曰所見如初廣乃告其所以客豁然意解

庾信詩若交臨酒影荀子水動而影搖入不以定美惡
鮑泉詩新花滿新樹新月麗新輝江總詩新月半輪空

灘聲聒夕陽

梁元帝詩灘聲下灘石杜甫詩黃牛峽靜

琨詩夕陽忽西流宋之問天門
歌晚陰芳足風夕陽芳艸紅

江鐘聞已暮

異苑西河有鐘在水

中晦朔輒鳴羈客聞而悽愴傳燈
錄晨雞暮鐘沈約詩佇立日已暮

歸棹綠川長

梁簡文帝詩悠

悠歸棹人徐彥伯採蓮曲歸棹落花前吳均詩錦帶雜
花鈿羅衣垂綠川謝朓詩草含亭皋遠霞生川路長

杜甫

懷李白

白也詩無敵

李陽冰李翰林詩序凡所著述言多諷興
自三代以來風騷之後馳驅屈宋鞭撻揚

馬千載獨步惟公一人劉全白李翰林碣善賦詩才調英邁往往興會屬詞恐古人之善詩者亦不逮

然思不羣

古樂府念我一身飄然曠野成公綏嘯賦心滌蕩而無累志離俗而飄然後漢書景十三

王傳贊夫惟大雅卓爾不羣曹清新庾開府

梁昭明太子詩灌園

實溫雅搞藻每清新周書庾信傳信博覽羣書尤善春秋左氏傳聘於東魏文章辭令盛為鄴下所傳來聘於

我遂留長安封臨清邑子遷俊逸鮑叅軍

後漢書袁紹傳故九江太

守邊讓英才俊逸陸倕感知已賦濟濟冠蓋祁祁俊逸宋書鮑照傳照文辭瞻逸世祖以為中書舍人臨海王

子頊為荊州照為前渭北春天樹

史記叔孫通傳為宗廟渭北衣冠月出遊

之沈佺期詩渭北昇高苑河南被禦場雍錄秦宮殿多在咸陽咸陽渭北也江總樂府春心自浩蕩春樹聊攀

折李嶠上高長史書河陽春樹開四照於詞林

江東日暮雲

晉書王坦之傳坦之字文度弱冠有

重名時人為之語曰江東獨步王文度梁簡文帝與劉孝儀令西河觀寶江東獨步陶潛詩日暮天無雲春風

扇微和江淹詩日暮何時一樽酒茅山父老歌何時乎碧雲合佳人殊未來

君再遊芳何時沈約詩勿言一樽酒明日難重持張正見樂府前有一樽酒明重與細論文衡

論發胃臆文成手中非說經藝之人所能為也陸機文賦序故作文賦以述先士之盛蔣曰論作文之利害所

由詩品顏延論文精而難曉

陪鄭廣文遊何將軍山林

唐書鄭虔傳明皇置廣文館以虔為博士

嘗為天寶軍防錄言典事該諸儒服其善著書時號鄭廣文長安志塔坡在韋曲西何將

軍之山林也通志少陵原乃樊川之北原自司馬邠起至何將軍山林而盡在杜城之東

韋曲之西

不識南塘路

楚辭曾不知路之曲直芳南指月與列星江總詩鳥歸猶識路遊城南記南塘按許

渾詩云背嶺枕南塘其亦韋曲之左右乎

今知第五橋

通志韋曲之西有華嚴寺寺西北有雁鶩

陂陂西北有第五橋隋開皇三年築京城引香積渠水自赤欄橋經第五橋西北入城遊城南記第五橋在韋

曲之西與沈家橋相近又內家橋之西有沈家橋第五橋亦以姓名

名園依綠水

世說王

會稽經吳門顧辟疆有名園先不識主人選往其家值顧方集賓友而王遊歷既畢指麾好惡傍若無人三秦記漢武有名園曰樊川曹植詩遊魚潛綠水梁簡文帝北渚詩綠水濺長袖梁元帝詩水綠晚萍生

野竹

上青霄

庾肩吾詩野竹交臨浦劉孝先詩竹生荒野外
梢雲聳百尋王訓詩竹路上青霄左思蜀都賦

千青霄而秀出徐陵陳公九
錫文氣涌青霄神飛紫閣

谷口舊相得

高士傳鄭樸
字子真谷口

人脩道靜默揚雄稱其德曰谷口鄭子真耕于岩石之
下名振京師史記灌夫傳灌夫亦倚魏其而通列侯宗
室為名高兩人相為引重其游如父子然相得驩甚無
厭恨相知晚也王褒聖主得賢臣頌聚精會神相得益

彰濠梁同見招

莊子莊子與惠子遊于濠梁之上楊素
詩濠梁暮共往一統志鳳陽府濠水有

二源東源出鍾乳山西源出鎔鄒山二水至昇高橋合
流至府舊城西南有石絕水謂之濠梁又號石梁河莊

子嘗觀魚于此陶潛詩山
澤久見招胡事乃躊躇

平生為幽興

嵇康絕交書時
與親舊叙澗陳

說平生顏延之詩雖為五載別相與昧平生晉書王徽
之傳居山陰夜雪初霽忽憶戴逵乘船詣之造門不前

而返人問其故曰乘興而來興盡而返
何必見安道耶陳子昂詩山深興轉幽
未惜馬蹄遙莊

馬蹄可以踐霜雪曹植詩俯身散馬蹄吳均詩青
莎沒馬蹄盧思道詩寄語當窓婦非關惜馬蹄

送翰林張司馬南海勒碑

原注相公製文唐翰林故事翰林院在銀

臺門內天下以藝能伎術召見者之所處也
黃鶴注按唐志翰林無司馬今題云勒碑其

文又是相國已製則張非文詞之士殆鑄工
之精者按南詔傳玄宗詔何履光以兵定南
詔境立馬援銅柱乃還蓋在天寶七載恐是
此時往勒碑唐志廣州南海郡屬嶺南道

冠冕通南極

左傳王使詹桓伯辭于晉曰我在伯父猶
衣服之有冠冕風俗通黃帝始制冠冕垂

衣裳北史李賢傳論位高望重光國榮家附萼連暉耶
枿繁衍冠冕之盛當時莫與比焉王融詩迹殊冠冕客

淮南子章夾自北極步至南極郭璞江賦竭南極窮東
荒漢書天文志老人星曰南極宋書天文志周天三百
六十五度五百八十九分度之百四十五半
覆地上半在地下其二端謂之南極北極
文章落上

台

禮記立權度量考文章史記儒林傳文章爾雅典論
論文蓋文章經國之大業不朽之盛事晉書天文志

東壁二星主文章又三台六星兩兩而居起文昌列抵
太微一曰天柱三公之位也在人曰三公在天曰三台
主開德宣符也西近文昌二星曰上台為司命主壽次
二星曰中台為司中主宗室東二星曰下台為司祿主
兵所以昭
德塞違也
詔從三殿去

漢舊儀詔書以朱鈞施行東觀
漢紀第五倫每見光武詔書常

嘆息曰此聖主也曹植表即日奉手詔敬為喜踊躍釋名
詔照也人暗不見事以此示之使昭然也又告也教也
雍錄翰林院東當三院三殿者麟德殿也一殿而有三
面故名三殿三院即三殿也李絳為中書舍人嘗言為

舍人踰月不得賜對

碑到百蠻開

廣韻碑被也宗廟以麗牲後人因之銘勒

功德詩因是百蠻毛萇傳百蠻蠻服之百國漢書陳湯傳威振百蠻武暢四海東都賦內撫諸夏外綏百蠻沈

佺期詩問我投何處西南盡百蠻

野館濃花發

謝惠連詩飲餞野亭館分袂澄湖陰庾信喜晴

詩水白澄還淺花紅曝更濃又鳥嘯歌來花春帆細雨濃雪聚劉孝威詩葉舒非漸大花發是初開

來

何遜南還道中詩遽逐春流返歸帆得望家盧僊詩曉騎辭朝遠春帆向楚長拾遺記行者歌曰清風細

雨雜香來梁簡文帝詩冷風雜細雨張正見詩細雨濯梅林楊師道詩窓臨鳳凰沼颯颯雨聲來

不知

滄海上

庾信遊仙詩不知高幾里低頭看世間楊子浮滄海而知江河之惡沱也春秋繁露受命而海

內順之猶衆星之拱北辰流水之宗滄海也應瑒詩浩浩長河水九折東北流晨夜赴滄海海流亦何抽史記

孝武紀李少君曰臣嘗遊海上見安天遣幾時迴茅山
期生陰鏗詩海上春雲雜天際晚帆孤
歌白鶴翔青天何時復來遊庾信詩何時
得雲雨復見翔寥廓江淹詩遊子何時還

王灣

洛陽人登先天進士第開元初為蒙陽主簿
馬懷素請校正羣籍召學涉之士分部譔次

灣在選中秘書罷譔又與陸紹伯等同校麗正
院書終洛陽尉灣詞翰早著其海日生殘夜江
春入舊年之句當時稱最張說手
題於政事堂每示能文令為楷式

次北固山下

水經注京城西北有別嶺入江三
面臨水高數十丈號曰北固一統

志北固山在鎮江府治
北下臨長江其勢險固

客路青山外

梁昭明太子樂府行客行路遙故鄉日迢
迢簡文帝詩綠潭倒雲氣青山銜日規古

詩夕宿青山外宋之問詩行舟綠水前周禮考工記作

函谷青山外昆明落日邊舟以行水漢書

溝洫志蜀守李冰穿二江成都中皆可行舟魏文帝善

哉行湯湯川流中有行舟杜審言詩行舟縈綠水東京

賦淥水滢滢張華詩俯臨淥水流南史庾潮平兩岸濶

杲之傳庾景行泛淥水依芙蓉何其麗也

王僧孺詩濳濳旦潮平水經注兩岸雙闕善能雲舉岑

之敬詩河渡冰開兩岸分庾信詩寒沙兩岸白祖孫登

詩岸濶風正一帆懸漢書律歷志至治之世天地之氣

蓮香遠

定廣韵帆舟上幔趙冬曦詩風帆摩天垠孫綽望海日

海賦商客齊唱潮流往還各資順勢雙帆同懸

生殘夜齊地記不夜城蓋古有日夜出此城以不夜名

異之也泰山記日觀雞一鳴時見日始欲出長

三丈江春入舊年杜審言詩雲霞出海曙梅柳渡江春

所李嶠詩霞滿蜀江春鮑照凌烟樓序

賞絕舊年張說詩惟願聖君
無限壽長取新年續舊年
鄉書何處達歸雁洛陽邊

何遜樂府故鄉有書信縱橫印檢開史記楚世家楚人
有好以弱弓微繳加歸雁之上者漢書蘇武傳常惠教
使者言天子射上林中得雁足有係帛書言武等在某
澤中陸雲詩願假歸鴻翼翻飛浙江記范雲詩寄書雲
間雁為我西北飛一統志河南府洛陽
縣本成周地居洛水之北故曰洛陽

盧象

字緯卿汶水人開元中由前進士補秘書郎
轉右衛倉曹掾丞相張九齡深器之擢左補

闕河南府司錄司勳員外郎名盛氣高少所卑
下左遷齊郛鄭三郎司馬入為膳部員外郎集

卷十二

峽中作

唐太宗詩別鶴栖
琴裏離猿啼峽中

高唐數百里

宋玉高唐賦序楚襄王與宋玉遊于雲夢之臺望高唐之觀襄陽耆舊傳楚懷王遊

于高唐夢與神遇自稱巫山之女王遂為置觀于巫山之南號為朝雲至襄王時復遊高唐荊州記宜都宜昌

縣三峽七百里兩樹色接陽臺

江淹詩風光多樹色露華翻蕙陰何遜詩山烟

岸連山畧無絕處

涵樹色江水映霞暉張正見賦苔畫波文花然樹色宋

玉高唐賦旦為朝雲暮為行雨朝朝暮暮陽臺之下

宇記陽雲臺高一百二十丈南枕長江宋玉云遊陽雲之臺望高唐之觀即此也方輿勝覽神女廟在巫山縣

西北三百五十步有陽臺一

晚見江山霽

徐陵下州郡

霽星象夜張宋之問詩晚霽江天好謝靈運詩江山共開曠雲日相照媚王融詩衿袖三春隔江山千里長王

勃靈瑞寺碑每至兩江春返四野初晴山川霽而風景涼林甸清而雲霧絕

宵聞風雨來

王融

詩潺湲石溜寫綿蠻山雨聞詩風雨淒淒雞鳴啾啾宋
玉九辨何曾華之無實兮從風雨而飛颺陶潛詩微雨
從東來好風與之俱書五者來脩疏五者於是皆來備
足須風則風來須雨則雨來陸厥詩秋思不可裁復帶
秋風來

雲從三峽起

淮南子山致其高而雲起焉水致其

杓以授王子晉子晉取而食之乃有雲起雪飛子晉以
衣袖揮雲則雲雪自止梁簡文帝詩沙飛朝似幕雲起
夜疑城輿地志巴陵楚地有三峽明月峽巫山峽廣澤
峽左思蜀都賦徑三峽之崢嶸躡五岫之蹇澹一統志
巫峽在巫山縣東三十里即巫天向數峽開郭璞江賦
山也與西陵峽歸峽並稱三峽

天向數峽開

郭璞江賦

豁若天開謝朓詩玄冬冥脩夜天園靜且開名山記成
都中峽院回環十數峽繞之背倚白崖峽右傍最高而
挺峻者曰呼應峽錄異記金州之北地名東柱西柱峽
巒秀異又東有數峽峭拔一峽最高駱賓王疇昔篇峽

開華岳聳疑蓮水

靈境信難見

梁簡文帝神仙寺碑獨有驚岳靈境淨土不燒

後漢書逸民傳法真字高卿友人郭正稱之曰法真名可得聞身難得而見

輕舟那可回

戰國

策乘夏水浮輕舟張衡南都賦爾乃撫輕舟兮浮清池亂北渚兮揭南涯曹植洛神賦冀靈體之復形御輕舟而上溯屈原九章船容與而不進兮淹回水而疑滯陶潛詩目送回舟遠情隨萬化遺沈佺期詩向浦回舟萍已綠分林蔽殿槿初紅

崔顥

題潼關樓

水經注水在關內南流潼激關山因謂之潼關又通谷水東北注于河述

征記所謂潼谷水者也或說因水以名地也魏志武帝紀馬超與韓遂等屯潼關公勅諸

將堅壁勿與戰唐書地理志華州華陰郡縣
華陰有潼關一統志潼關在華陰縣東四十里

客行逢雨霽

宋南平王鏐詩誰為客行人屢見流芳歇
鮑照詩客行惜日月劉孝綽詩客行三五

夜息棹隱中洲陳子良詩我行逢日暮弭棹獨維舟書
曰雨曰霽高唐賦風止雨霽雲無處所江總詩霖霖時

雨歇馬上津樓

庾信詩樹陰逢歇馬盧思道詩駢鑣歇
夜馬一統志潼津橋在潼關城中因水

出潼谷中為名蜀志諸葛亮傳遊觀
後園共上高樓陰鏗詩接路上危樓

山勢雄三輔

庾信

聲幽咽山勢崆峒賈誼論秦地被山帶河以為固四塞
之國常為諸侯雄其勢居然也三輔黃圖三輔者謂主

爵都尉及左右內史漢武帝改曰京兆尹
左馮翊右扶風共治長安城中是為三輔

關門扼九州

魏徵詩伏策謁天子驅馬出關門史記高祖本紀婁敬
說帝今入關而都撫天下之眚而拊其背注撫與抗同

謂捉持之也禹貢九州攸同周禮職方氏掌天下之圖
乃辨九州之國東南曰揚州正南曰荊州河南曰豫州
正東曰青州河東曰兗州正西曰雍州

川從陝路去

爾雅

東北曰幽州河內曰冀州正北曰并州
水東流曰川漢書三川守注三川今河南郡有河洛伊
故曰三川水經注水出北虞山南至陝津注河河南即
陝城也昔周召分伯以此城為東西之別舊唐書地理
志陝州大都督屬河南道更信詩陝路秋風起楊齊哲
過關詩途河遶華陰流書導河積石至于龍門南至
經分陝東河遶華陰流華陰唐太宗入潼關詩霜風直
臨道永河曲遶城漢書地理志京兆尹縣華陰水經河
水又南至華陰一統志華陰縣在西安府華州城東十
里謝靈運詩向晚登臨處陶潛詩向夕長風起謝惠連
河流有急瀾向晚登臨處詩杳杳白日晚崔湜詩水榭
宜時陟山棲向晚看梁宣帝賦盡登臨之雅致庾信詩
遊客喜登臨張正見詩福宇試登臨元行恭詩樽酒慰

登風煙萬里愁

梁簡文帝雁門太守行隴暮風烟急關寒霜自濃顧野王詩隴坻望秦川迢遞

隔風烟盧照鄰詩風烟彭澤里韋昂聽百舌詩萬里風烟異一鳥忽相驚張載詩弭節馳萬里庾信詩悲生萬里外沈約詩高臺不可望望遠使人愁

祖詠

泊揚子岸

唐書地理志淮南道揚州廣陵郡縣揚子永淳元年析江都置記纂淵海

唐揚子縣屬揚州後改永真縣本朝屬真州一統志揚子江在儀真縣南經通泰二州入于海

纔入維揚郡

書淮海惟揚州周禮夏官職方氏東南曰揚州其川三江釋名揚州州界多水水波

揚也漢書景十三王傳江都易王非子建國除地入於漢為廣陵郡劉希夷江南曲潮平見楚甸天際望維揚

鄉關此路遥

張說詩相逢皆得意何處是鄉關馮衍顯志賦重祖考之弘烈兮故收功于此路徐

陵詩青雀離帆遠朱鷺別路遥

林藏初霽雨

庾信華林園馬射賦序上則雲布雨施下則山藏海

納何遜喜晴詩振衣喜初霽應處與尚書諸郎書霽雨清閒正高會之盛時

風退欲歸潮

謝靈

運詩客遊倦水宿風潮難具論沈佺期詩小池殘暑退鮑照冬日詩瀉海有歸潮

江火明沙岸

何遜詩澄江照遠火夕霞隱連檣謝靈運詩野曠沙岸淨天高秋月明王僧孺至牛渚詩楓林暖似畫沙岸淨

如雲帆礙浦橋

後漢書馬融傳連舫舟張雲帆沈佺期詩茫茫理雲帆草草念行期武三思詩

玄雲欲渡礙高岑何遜詩解纜及朝風客衣今日薄

沈約

詩風急峭道難秋至客衣單庾信對燭賦天山月落客衣單荀子欲觀千載則審今日曹植詩今日同堂出門

異鄉吳均詩客子饑寒多江上衣裝薄

寒氣近來饒

古詩孟冬寒氣至北風何慘慄陶潛詩寒

氣冒山澤曹植詩始出嚴霜結今來白露晞陸瑜獨酌謠獨酌謠芳氣饒一傾蕩神慮再酌動神飈梁簡文帝

詩樹密風聲饒

題韓少府水亭

容齊四筆縣尉謂之少府

梅福幽棲處

漢書梅福傳福字子真九江壽春人為郡文學補南昌尉時成帝委任王氏福上書

不納元始中王莽顯政福一朝棄妻子去九江至今傳以為仙其後人有見福於會稽者變姓名為吳市門卒

云謝靈運詩范蠡出江湖梅福入城市又資此永幽棲

佳期不忘還

楚辭登白蘋兮騁望與佳

期兮夕張謝莊月賦佳期可以還謝靈運詩美人遊不還佳期何由敷

鳥啼當戶竹

梁武帝詩

別時鳥啼戶今晨雪滿墀庾信詩春山百鳥啼古
詩被服羅衣裳當戶理清曲木蘭辭當戶理紅粧
花遶

傍池山

何遜揚州法曹梅花盛開詩枝橫却月觀花繞
凌風臺庾信馬射賦花乘風而遠殿張纘謝賚

園啟傍山臨流面郊負郭謝靈運山居
賦豈伊臨谿而傍沼乃抱阜而帶山

水氣侵階冷

春秋

繁露雨者水氣也諸葛穎詩遙邨含水氣駱賓王
詩城上風威冷江中水氣寒庾信詩日斜氣還冷
松陰

覆座間

松一作藤江淹詩翩翩征鳥翼蕭蕭松栢陰北
史魏收傳收折節讀書夏日坐板牀隨樹陰諷

誦謝朓高松賦脩幹垂陰喬柯飛穎望肅肅而既
間即微微而方靜湛方生靈秀山銘朧朧疎林穆
穆閑房

寧知武陵趣

陶潛桃花源記晉太元中武陵人捕魚緣
溪行逢桃花夾岸數百步林盡水源便得

一山山有小口舍船從口入復行數十步有良田美池
阡陌交通往來種作男女衣著悉如外人黃髮垂髻並

怡然自樂自云先世避秦來此不復出焉停數日辭去
太守遣人隨其往尋向所誌遂迷不得路一統志常德
府禹貢荊州之域宛在市朝間詩溯游從之宛在水中
漢初改武陵郡宛在市朝間詩溯游從之宛在水中
爭利者於市主康琚反招隱
詩小隱隱陵藪大隱隱市朝

儲光義

題山泉

山中有流水

吳均齊春秋王儉謂周顒曰卿山中何所
食慎蒙山棲志何脩以會稽山山多流泉

乃起草舍即林成樓因岩為堵晉書劉麟之傳麟之採
藥至衡山深入忘反見有一澗水北史蕭大圓傳面脩

原而帶

借問不知名

張協詩借問此何時水
經注故溪澗受其名矣映地為天

色

梁元帝詩水際含天色虹光入浪浮陶潛

飛空作雨

聲

水經注輕湍瀦下分石飛懸又寒泉湧山頂望之交橫似若瀑布顏波激石散若雨灑

轉來深

澗滿

水經注亂流轉注謝朓詩垂竿深澗底諸葛穎詩澗滿新流濁

分出小池平

應貞臨川

賦

別流分注沈佺期詩小池殘暑退魏收詩添池曲岸平

恬澹無人見

雲笈七籤冲然恬澹梁簡

文帝詩會是無人見

年年長自清

吳均詩年年月月對吳王沈約八詠詩溪

水徒自清

李頎

宴陳十六樓

原注樓枕金谷

西樓對金谷

庾肩吾詩織女入西樓崔湜詩幽尋惜未
已清月半西樓晉書石崇傳崇有別館在

河陽之金谷水經注金谷水出河南太白原東南流歷
金谷謂之金谷水經石崇故居潘岳金谷集詩朝發晉

京陽夕次金谷湄別賦帳飲東都送別金谷一統志金谷
園在河南府城西一十三里晉石崇因川阜造園館崇

自作此地古人心

劉繪詩江山信多美此地最為神庾
信遊山詩煮丹於此地居然未肯歸

詩我思古人實獲我心石崇思歸引序尋覽樂篇有思
歸引倘古人之心有同于今故制此曲謝惠連詩未知

古人心且

白日落庭內

班固答賓戲仰天庭而覩白日
曹植詩白日曜青春謝靈運詩

日落當棲薄鮑照詩日落嶺雲歸延頸望江陰梁簡文
帝詩日落荷心香詩洒掃庭內晉書馮載記嘗夜見

天門開神光
燭於庭內

黃花生澗陰

禮記季秋之月菊有黃華張
翰詩黃花如散金爾雅權黃

華注今謂牛芸草為黃花鮑照

四隣見踈木

左傳諸侯守在四隣

何遜詩蕭索高秋暮砧杵動四隣庾信鏡詩試挂淮南竹堪能見四隣謝靈運詩遠山映踈木徐陵詩朔氣凌

踈木江風萬井度寒砧井陳子昂表三軍叶慶萬井相送上潮

歡庾信詩秋夜搗衣聲飛度長門城古子夜歌佳人理寒服萬結砧杵勞沈佺期詩九月寒砧催木葉石

上題詩處

南史蕭思話傳嘗從文帝登鍾山北嶺中道有盤石清泉上使于石上彈琴曰相賞有松

石間意宋之問詩石上泉聲千年留至今拾遺記丹丘帶雨秋蘇頲詩蘇駁題詩館

河千年一清庾信詩洽斯百禮福以千年魏武帝短歌行但為君故沉吟至今

送竇參軍

城南送歸客

辛氏三秦記城南韋杜去天尺五梁簡文帝詩五馬城南猶未歸九辨登山臨水兮

送將歸謝靈運詩歸客遂海嶠江海別賦帳飲東都送客金谷江總詩是日送歸客為情自可求

舉酒

對林巒

古子夜歌舉酒待相勸酒還杯亦失孔稚圭北山移文望林巒而有失

暄鳥迎風

轉

謝朓詩暄鳥覆春洲武三思詩風暄鳥欲啼陳後主詩峯幽來鳥轉張協七命堯榭迎風秀出中天宋南

平王鏐詩肅迎風館肅

春衣度雨寒

王融詩思淚點春衣庾信春賦披香殿裏作春衣梁元帝

騷體神女雲兮初度雨庾肩吾詩泉飛疑度雨

桃花開翠幙

禮記仲春之月桃花始華梁簡文帝詩

桃花含雨開庾信詩桃花數樹紅潘尼詩朱軒柳色拂蔭蘭皋翠幙映洛湄梁簡文帝詩林芳翠幙懸

金鞍

謝朓賦柳含色於遠岸王褒詩綠隄柳色青沈約詩汗馬飾金鞍梁元帝詩金鞍照日歸

公子

何時至

詩殆及公子同歸楚辭沅有芷兮澧有蘭思公子兮未敢言虞義詩流年無止極君去何時歸

無令芳草闌

梁元帝詩無令春色晚獨望行人歸曹植詩子好芳草豈忘爾貽王褒詩桂樹思公

子芳草惜王孫邢邵詩壯志與時闌

王昌齡

駕出長安

唐書地理志京兆府京兆郡縣長安一統志西安府附郭長安縣秦因古

地名曰長安漢都關中始置為縣

聖德超千古

史記五帝紀高陽有聖德是謂帝顓頊晉書樂志聖德應運期劉峻文星虹驅電昭

聖德之符舊唐書音樂志上元樂舞者舞之必成字十六變而畢有聖超千古道泰百王皇帝萬年寶祚彌昌

字木蘭詩忠孝兩不渝千古之名焉可滅

皇風扇九圍

賀知章詩千載舞皇風晉書應貞傳仁風

潛扇徭康詩微風清扇詩帝命式于九圍疏九州為九圍者蓋以天下九處規圍然故謂之九圍也晉大豫舞

歌光撫九圍

天迴萬象出

運命論天動星回而辰極猶居其所蜀都賦望之天迴張華詩太儀

幹運天迴地游晉書孝友傳資品彙以順名功苞萬象謝靈運詩皇心美陽澤萬象咸光昭唐僧淵詩真朴運

既判萬象森已形晉書樂志嘉瑞出靈應彰

駕動六龍飛

蔡邕獨斷天子出有大駕有小駕有

法駕梁簡文帝南郊頌萬騎天行千乘雷動江總詩徐輪動仙駕清宴留神賞易時乘六龍以御天徭康詩乘

雲駕六龍東京賦龍飛白水鳳翔參淑氣來黃道

陸機樂府

蕙草饒淞氣梁元帝詩暮春多淞氣斜景落高春唐太宗詩韶光開令節淑氣動芳草漢書天文志日有中道

中道者黃道北至東井去北極近南至牽牛去北極遠東至角西至婁去極中沈佺期詩池開天漢分黃道許

敬宗詩曦祥雲覆紫微謝朓歌凍雨飛祥雲靡庾信文馭循黃道祥雲覆紫微祥雲入境行雨隨軒晉書禮志

雲覆雨施八方來同陸機七徵萬宇雲覆千檻林錯晉書天文志紫微大帝之座天子之常居也劉峻辨命論

入紫微升帝道沈炯詩欲知天子貴千門應紫微太平多扈從漢書食貨志三年

食進業曰登再登曰平餘六年食三登曰泰平後漢書謝夷吾傳班固薦夷吾曰臣聞堯登稷契政隆太平梁

元帝詩帝德洽區宇垂衣彰太平江淹詩公卿重一言太平多歡娛漢書司馬相如傳扈從橫行出乎四校之

外蘇頌詩賞來榮文物有光輝左傳文物以紀之後漢扈從別至惜分飛文物有光輝書制衣裳備文物謝朓

詩文物共歲難張文琮詩紛綸文物紀煥爛聲名發漢郊祀歌配上帝兮揚光輝班固奏記清廟之光輝當世

之俊彦也范雲
詩傳瑞生光輝

張謂

郡南亭子宴

亭子春城外

廣韻亭停也人所停集也吳邁遠詩綠樹搖雲光春城起風色

朱門向綠

林

晉書麴允傳西州語曰南開朱門北望青樓張華輕薄篇朱門赫差我曹植賦遊綠林而逍遙嵇康詩萋

萋綠林奮榮揚輝

柳枝經雨重

梁簡文帝詩柳枝無極軟春風隨意來庾信詩高堰柳枝長張

正見垂柳映斜谷詩雨濯倚流枝劉苞夕雨詩河柳低垂舉

松色帶烟深

鮑照詩松色隨野深

顏延之曲水詩序松石峻峴葱翠陰烟江淹詩松短未生烟

漉酒迎山客

南史陶潛傳郡將候

潛逢其酒熟取頭上葛巾漉酒畢
還復著之江淹頌公子不至山客徒尋

穿池集水禽

莊子孔子曰魚

相造于水者穿池而養給潘岳閒居賦爰定我居築室
穿池曹植洛神賦水禽翔而為衛謝靈運賦覽水禽之

萬類白雲常在眼

陶潛詩遙遙望白雲吳均詩白雲時去來謝靈運詩想見山阿人薜蘿若在眼

聊足慰人心

孫權詩處處多諼草賴此慰人心

賈至

對酒曲

樂府解題對酒行曹魏樂奏武帝所賦對酒歌太平其旨言王者德澤廣被政

理人和萬物咸遂若梁范雲言對酒心自足則言但當為樂弗徇名自欺也陸機樂府良

會聲美服對酒宴同聲北史李孝貞傳絃歌對酒終日為歡

梅發柳依依

庾肩吾摘梅花詩窗梅朝始發庭雪曉初消張正見梅花落詩芳梅映雲野發早覺

寒侵詩昔我往矣楊柳依依費昶詩楊柳何時歸
裊裊復依依庾信枯樹賦昔年垂柳依依漢南

黃鸝

歷亂飛

詩黃鳥于飛陸璣疏今謂之黃鸝黃鸝也高隱傳戴顓春日携雙柑斗酒人問何之曰往聽黃

鸝聲耳梁簡文帝樂府細萍重疊長新花歷亂開丘遲與陳伯之詩暮春三月江南草長雜花生樹羣鸝亂飛

當歌憐景色

魏武帝短歌行對酒當歌南史宋武帝紀三月乙未建牙於軍門其日景色開霽崔

融表得五方之氣象合四時之景色對酒惜芳菲

對酒惜芳菲

吳均詩獨

對東風酒庾信詩待花將對酒留雪擬彈琴楚辭芳菲其彌章古詩芳菲不相投青黃忽改色庾肩吾詩佳

期竟不歸春日生芳菲

曲水浮花氣

王羲之蘭亭序又有清流激湍映帶左右引以為流觴曲

水列坐其次晉書束皙傳昔周公城洛邑因流水以泛
酒故逸詩云羽觴隨波又秦昭王以三日置酒河曲見
金人捧水心之釵曰令君制有西夏乃霸諸侯因此立
為曲水二漢相緣皆為盛集梁元帝詩水際含天色虹
光入浪浮簡文帝七勵素醪浮氣酈酒凝清沈約詩願
雜百花氣宛轉金爐前宋之問詩露裊花氣泉和萬
籟聲
流風散舞衣
張衡南都賦彈琴擲籥流風徘徊曹植
洛神賦飄搖兮若流風之迴雪梁元帝

詩日移花色異風散水紋長隋煬帝詩清音出歌扇
浮香飄舞衣杜公瞻詩色奪歌人臉香亂舞衣風
通

宵留暮雨

駱賓王詩陣照通宵月書封幾夜霜宋玉高唐賦旦為朝雲暮為行雨范雲樂府朝雲觸

石起暮雨潤羅衣又詩霽
霽朝雲去溟溟暮雨歸

上客莫言歸

謝靈運樂府上客莫畏斜光晚自

有西園明月輪徐陵書郢中上客雲聚魏都鄴下公卿
風馳江浦詩言旋言歸人不醉無歸張衡南都賦客賦

醉言歸主
稱露未晞

崔曙

緱山廟

水經注緱氏原開山圖謂之緱氏山也亦云仙者昇焉言王子晉控鶴斯阜俗

亦謂之撫父堆堆上有子晉祠劉向列仙傳云時有簫管之聲焉列仙傳王喬遊伊洛之間道人浮丘公接以上嵩高山三十餘年後求之於山上見栢良曰告我家七月七日待我於緱氏山頭果乘白鶴駐山頭望之不得到舉手謝時人數日而去立祠緱氏山下

統志緱氏山在偃師縣南四十里王子晉昇仙之所又王子晉廟在偃師縣東南

遺廟宿陰陰

宋之問王子喬詩遺廟今在人非漢書禮樂志靈之至慶陰陰謝朓詩紫殿肅陰

陰孤峯映綠林

梁書徐勉傳華樓迴榭頗有臨眺之美孤峯叢薄不無糾紛之興鮑照賦視清

池之初涸望綠林之始空張九齡詩江南有丹橘經冬猶綠林

步隨仙路遠

孫綽天台賦恣心

目之寥朗任緩步之從容水經注昔費長房為市吏見王壺公懸壺郡市長房從之因而自遠同入此壺隱淪

仙路沈佺期詩行隨香輦登仙路張說侍宴詩仙路迎三鳥揚雄河東賦既發輒於平盈兮誰謂路遠而不能

從意入道門深

史記晏子傳晏子意念深矣常有以自下者易林被服衣冠遊戲道門道德指

歸論靜為虛澗水流年月

晉書陶淡傳淡於長沙臨湘山中結廬居之親故有候之

者輒移渡澗水莫得近之江總詩石澗水流靜更信詩澗水繞窗外北史蕭大圜傳面脩原而帶流水陸機詩

隆想彌年月

山雲變古今

淮南子山雲草莽水雲魚鱗注山中氣出雲似草木水氣出雲似魚

鱗江總詩山雲四面通左思祇聞風竹裏沈約賦風動竹而吹衣陳

後主孫瑒銘秋風動竹烟水猶有鳳笙音列仙傳王子喬好吹笙作

鳳鳴梁簡文帝詩按歌雜鳳笙沈佺期鳳笙曲憶昔王子喬鳳笙猶雲空宋之問王子喬詩白虎搖瑟鳳吹笙

乘騎雲氣
喻日精

閻防

夜泛黃河作

元史地理志河源在吐蕃朶甘思西鄙有泉百餘泓沮洳散渙弗可

逼視方可七八十里履高山下瞰槃若列星以故名火敦腦兒火敦譯言星宿也羣流奔轉近五七里匯二巨津自西而東連屬吞噬行一日迤邐東驚成川號赤賓河又二三日

水西南來名亦里出與赤賓河合又三四日
水南來名忽闌又水東南來名也里木合流

入于赤賓其流
浸大始名黃河

烟深載酒入

水經注雲垂烟接漢書揚雄傳贊家素
貧嗜酒時有好事者載酒有從遊學

但

覺暮川虛

柳惲詩漸覺寒雲卷應瑒虛河賦資虛川之
遐源何遜詩薄暮川流側王褒詩臨汎廣川

中暎水見山火

梁簡文帝詩隔簾陰翠篠映水含珠榴
王融詩炎山翻烈火沈佺期詩野橋凝

望日山火
類焚書

鳴榔聞夜漁

西征賦纖纖經連白鳴榔夜響注
榔高木也以長木扣舷為聲言

曳纖經于前鳴榔于後所以驚魚令入網也水經注
宓子賤治單父孔子使巫馬期觀焉入其境見夜漁者
問曰子得魚輒放何也曰小者我大
夫欲長育之故也謝朓詩良宰曷夜漁愛茲山水趣

水經注愛

深淥水南史宗少文傳好山水
愛遠遊張子容詩賴多山水趣
忽與世人踈王融詩忽與若士遇

阮籍詩邈與世路殊方湛北
無暇燃官燭梁簡文帝詩心忙無暇薰

謝承後漢書巴祇為揚州刺史與客暗飲不然官燭徐
陵謝勅賚燭盤賞答齊國移文啟官燭斯燃更慚庶吏

中流有望舒說苑魏武侯浮西河而下中流顧左右曰美哉河山之固也蜀都賦躍濤戲瀨中流

相忘邱遲詩擢歌發中流淮南子月御曰望舒楚辭前
望舒使先驅羽獵賦望舒彌轡歸田賦於是曜靈俄景

繼以望舒魏文帝
詩炎燭繼望舒

徐晶

與胡皓蔡孚同
時官魯郡錄事

同蔡孚五亭詠

蔡孚開元中
為起居郎

章奏丹墀罷

漢書魏相傳好觀漢故事及便宜章奏後漢書班彪傳所上章奏誰與忝之文心雕龍

胡廣章奏天下第一杜甫詩從容草奏罷宿昔奉清樽張衡西京賦青瑣丹墀漢典職儀以丹漆地故稱丹墀杜預表珥筆丹墀必有諤諤匪躬之節雲泉別業歸水經注邵陵水東會雲泉王勃與蜀城父

老書麗藻華文代有雲泉之氣沈佺期詩雲泉紛亂瀑天磴屹橫抱南史謝靈運傳移籍會稽脩營別業傍山臨江盡幽居之美石崇思歸引序更樂放逸篤好林拂藪遂肥遯于河陽別業沈佺期詩別業初開雲漢邊拂

琴鋪野席

盧照鄰序夕拜多閑弄雕章于琴席李嶠詩避暑移琴席逸周書晉平公使師曠見太子

晉遂敷席注瑟師曠歌無射李嶠牽柳挂朝衣蕭子顯詩垂楊

九成宮詩野席蘭琴奏山臺挂酒濃

牽柳挂朝衣

蕭子顯詩垂楊

挂柳掃輕塵使信詩穿荷低晚蓋哀柳挂殘絲史記司馬相如傳襲朝衣乘法駕北齊樂辭禮申官次命改朝

劉長卿

尋南溪常山道人隱居

一路經行處

江總詩孤闌一路平大寶積經相見如來向經行處是第二地江總脩心賦經行藉

草宴坐臨渠楊炯孟蘭盆賦山中禪定樹下經行

莓苔見履痕

孫綽遊天台山賦踐莓苔之滑

石梁簡文帝詩苔生屐處沒張正見詩春苔封履跡

白雲依靜者

一作渚陶潛詩悲商叩林白雲

依山謝靈運詩白雲抱幽石又拙疾相倚薄還得靜者便

青草閉閒門

左傳野無青草岑參詩地

涵青草色後漢書陳寔傳閒門懸車棲遲養老沈炯詩閒門窮巷裏靜掃詠歸田蘇子卿艾如張樂府誰在閒

門外羅家諸少年王維詩閒門秋草色終日無車馬

過雨看松色

種樹書栽竹無時雨過便移鮑

照詩松色隨野深張
正見詩秋氣悲松色

隨山到水源

書隨山刊木顏延之
詩隨山茂貞芳謝靈

運詩隨山疏濬潭范蔚宗詩隨山上嶇嶇爾雅疏泉水
源也陶潛桃花源記林盡水源便得一山宋之問詩源

水看花入幽林採藥行

溪花與禪意

岑參詩溪花舊簾鉤釋氏通
鑑目連以鉢盛飯往餉其母

化成火炭不得食目連白佛佛曰願七代父母行禪定意然後得食

相對亦忘言

漢書張禹傳彭

宣之來也禹見之于便坐講論經義日晏賜食不過一
肉卮酒相對莊子言者所以在意得意可以忘言陶潛
詩此中有真意欲辨已忘言

錢起

和萬年成少府寓直

唐書地理志京兆府縣萬
年赤錦繡萬花谷類要云

李白贈瑕丘王少府別西河劉少府贈秋浦
柳少府杜甫贈華陽柳少府如此則當是唐

時縣尉尉多稱少府也潘岳秋興賦以太
尉掾兼虎賁中郎將寓直於散騎之省

赤縣新秋夜

史記孟子列傳中國名為赤縣神州通典
唐縣有赤畿望緊京都所治為赤縣京之

旁邑為畿縣鮑照詩舍此赤縣居陶潛詩迢迢新秋夕
亭亭月將圓蕭琮詩夜氣應新秋江總詩當見新秋傳
玉梭張正見詩高軒揚麗藻自是賦新秋南史蕭子
顯傳風動春朝月明秋夜魏文帝詩漫漫秋夜長

人蓼思催

典論文人相輕自古而然又今之文人魯國
孔融文舉廣陵陳琳孔璋山陽王粲仲宣北

海徐幹偉長陳留阮瑤元瑜汝南應瑒德璉東平劉楨
公幹蜀志秦宓傳或曰足下自比於巢許四皓何故揚
文蓼見瓌穎乎魏書邢臧傳臧幼孤早立操尚博學有
蓼思杜甫詩憶與高李輩論文入酒壚兩公壯蓼思得

我色敷腴實糾五色筆賦物有祭奇鐘聲自仙掖禮記文抽恭思張九齡詩天邊客思催

鏗鏗以立號劉孝威詩鐘聲猶未絕庾信詩歌響聞長樂鐘聲徹建章沈佺期詩御柳垂仙掖按東軒筆錄云

翰林清要謂之仙掖漢書成帝紀注掖門在兩旁言如人臂掖也月色近霜臺梁簡文帝詩風聲隨

笛韻月色與池同蕭子暉詩蟲聲繞春岸月色思空閨劉孝先詩樓空月色寒虞茂詩鏡中看月近歌處覺塵

空白帖御史大夫憲臺霜臺通典唐監察御史十員裏行五員其選拜多自京畿縣尉一葉兼螢

度淮南子見一葉之落知歲之將暮袁宏東征賦託一葉于鄧林梁武帝曲綠樹始搖芳芳生非一葉駱賓

王序一葉驚寒下陳柯而捲翠禮記季夏之月孤雲帶腐草為螢宋之問明河篇鴛鴦機上疏螢度

鴈來陶潛詩萬族各有託孤雲獨無依應瑒詩朝雁鳴雲中謝靈運詩噉噉雲中雁舉翮自委羽庾肩吾

詩雁與雲俱陣王褒詩豈若雲中雁秋時塞外歸禮記仲秋之月鴻雁來詩疏廣要雁乃兩來仲秋鴻雁來季秋候雁來候雁比於鴻雁而小色白秋深乃來明朝紫來則霜降河北謂之霜信庾信詩濕雁斷還來

書下

吳均詩今夜杯酒別明朝江水邊庾信詩明朝雲雨散何處更相尋漢武內傳地真素訣長生紫書

劉孝威詩驛報紫泥書按漢舊儀天子信璽六皆以武都紫泥封之宋之問詩謬辱紫泥書阮籍奏記辟書始

下下走
為首
應問長卿才

史記司馬相如傳相如字長卿杜甫詩獻納開東觀君王問長卿楊

炯詩漢帝求仙日相如作賦才馬懷素詩何幸得參詞賦職自憐終乏馬卿才

秋夜對月

夜來詩酒興

陳後主詩金鞍排夜來南史袁粲傳獨步園林詩酒自遣入齊桂陽王鑠傳遇其賞

興則詩
酒連日

月滿謝公樓

史記曰者傳日中必移月滿必虧
古詩三五明月滿四五蟾兔缺庾

信詩輪重對滿月一統志北樓一名謝
公樓謝朓為宣城守時建在府治之北

影閉重門靜

曹植

詩明月澄清影謝朓詩平明振衣坐重門猶未開劉孝
綽詩重門寂已暮沈約詩月出臨靜夜夜靜滅氛埃

寒生獨樹秋

曹植詩樹影月中寒陶潛詩連林人不鵲
見獨樹衆乃奇周弘讓詩木葉動秋聲

驚隨葉散

王勃賦遊必有方晒南飛之驚鵲淮南子一
葉落而知天下之秋王融文危葉畏風驚禽

落螢遠入烟流

禮記季夏之月腐草為螢紀少瑜月中
飛螢詩遠度時依幕沈約詩曄曄螢入

霧庾信詩螢飄碎火流梁元帝咏螢
詩集草訝無烟鮑照詩時見遠烟浮

今夕遙天末

詩今

夕何遜詠月詩今夕千餘里雙蛾映水生張正見詩風
伯淨遙天陸機詩佳人渺天末謝莊月賦氣霽地表雲

飲天末

清光幾處愁

江淹詩秋月懸清光沈約詩洞房殊未曉清光甚悠哉庾肩吾詩樓上徘徊

徊月窗中愁思人

寄楊補闕

唐六典左補闕二人從七品上注詩云哀職有闕仲山甫補之蓋取此義

後漢伏湛出入禁闥拾遺補闕魏文帝勅侍臣曰公卿等宜拾朕之遺補臣之闕晉武帝詔曰公卿等宜補闕拾遺獻可替否後魏孝文帝令侍中李冲補闕左右垂拱中因其義而創立四員左右各二焉

泉壑帶茅茨

江淹木連頌送采泉壑騰光淵丘陳子昂詩夜聞鼪鼠叫晝聒泉壑聲嵇含文池非

巖石之溜宅非茅茨之宇南史何敬容傳築茅茨於鍾阜聊優游以卒歲雲霞生薜帷謝靈運詩

林壑歛暝色雲霞收夕霏江淹詩時菊耀巖阿雲霞冠
秋嶺文心雕龍雲霞雕色有踰畫工之妙草木賁華無
待錦匠之奇楚辭網薜荔兮竹憐新雨後種樹書裁竹
無時雨過便
為帷王僧孺詩桂棟承薜帷

移杜甫詠竹詩雨洗娟娟淨風吹細細香史記司馬季
主傳天新雨道少人又龜策傳新雨已天清靜無風江

總詩新雨

山愛夕陽時

宋書謝靈運傳出為永嘉太守
郡有名山水靈運素所愛好遂

肆意遊遨動踰旬朔江淹自序傳為吳興令爰有碧水
丹山珍木靈草皆淹平生所至愛爾雅山西曰夕陽詩
度其夕陽劉琨詩夕陽忽西流鮑照登大雷岸與妹書
若華夕曜巖澤氣通傳明散綵赫似絳天左右青靄表
裏紫霄從嶺而上氣盡金

閒鷺棲常早

李白鷺鷥詩心
閒且未去獨立

光半山以下純為黛色

沙洲旁何晏景福殿賦篁棲鷺鷥瀨戲鯉鮒王僧孺詩
願識昆明鷺乘流飲復棲陶潛詩緩帶盡歡娛起晚眠

常秋花落更遲

張正見詩葉盡桐門靜花秋菊岸明蕭子範詩春風若有顧惟願落花遲顧野

王詩風輕鶯鶯韻緩霜灑落花遲柳
暉詩葉密鶯飛礙風輕花落遲

家僮掃蘿徑

史記呂不韋傳

不韋家僮萬人庾信詩野老披荷葉家僮掃栗附齊竟陵王子良詩蘿逕轉連綿松軒方杏靄王融詩蘿逕若披雲孟浩然詩之子昨與故人期古詩悵然遠相望知期宿來孤琴候蘿逕是故人来謝朓詩山中上芳月故人清樽賞孟浩然詩春暉揚柳發憶與故人期

皇甫冉

字茂政潤州丹陽人晉高士謚之後十歲能屬文張九齡深契之天寶十五載舉進

士第一授無錫縣尉歷左金吾兵曹王縉為河南帥表掌書記大歷初遷右補闕

送盧山人歸林慮山

十道山川考林慮山在相州林慮縣西二十里本隆

慮漢屬河內郡改為林一統志黃華山在林縣西二十里一名林慮山

無論行遠近

古詩行行重行行九辨僚僚兮若在遠歸

向舊烟林

九辨登山臨水兮送將歸南史蕭子顯傳登

基詩遙林卷宿烟李白詩水色倒空青林烟橫積素

寥落人家少

世說袁彥伯為謝安南司馬至

瀨鄉歎曰江山寥落居然有萬里之勢謝朓詩曉星正寥落王維詩人家春穀谿王季友詩野人宿在人家少

青冥鳥道深

楚辭據青冥而攄虹兮遂儵忽而捫天梁簡文帝表延首青冥傾心紫府張正見詩

鳥道絕禽蹤薛道衡詩鳥道風烟接南中志鳥道西百里以其險絕獸猶無蹊特上有飛鳥之道耳江淹郊遊

詩雲鬱石道深

白雲長滿目

淮南子白泉之埃上為白雲漢武帝秋風詞秋風起兮白雲飛江淹

詩秋至白雲起沈約與約法師書音容
滿目言笑在耳王維詩滿目望雲山

芳草自知心辭

芳草生兮萋萋班固西都賦竹林果園芳草甘木李陵
答蘇武書人之相知貴相知心鮑照詩冬夜沈沈夜坐

吟寒聲未
發已知心

山色連東海

王維詩山色有無中岑參詩山
色低官舍神仙傳麻姑入拜王

方平云接侍以來已見東海三
為桑田郭璞詩東海猶蹄涔

相思何處尋

古詩客從
遠方來遺

我一書札上言長相思下言久離別吳均詩相
思咽不言庾信詩蓬萊入海底何處可追尋

歸渡洛水

禹貢伊洛瀍澗既入于河山海經洛
水出洛西山東北注河入成臯之西

水經洛水出京兆上洛縣冢嶺山郡經上洛
弘農河南合伊瀍澗之水至鞏縣而入河

李尤洛銘洛出熊耳東流會集夏禹導疏經
于洛邑宋之問詩池平分洛水林缺見嵩丘

暝色赴春愁

謝靈運詩林壑歛暝色蕭子範詩晚流稍東急暝景促西暉梁元帝詩春愁春日結

春結詎能申宋之問詩弄琴寬別意酌醴醉春愁

歸人南渡頭

江淹詩歸人望烟火薛道衡詩

人歸落雁後思發在花前吳均賦風簷寒而北來燕銜霜而南渡梁簡文帝烏棲曲採蓮渡頭擬黃河郎今欲

渡畏風波渚煙空翠合

鮑照發後渚詩孤光獨徘徊空烟視昇滅魏徵詩淑景耀雕輦高旌揚翠

烟謝靈運詩空翠難強名漁釣易為曲陳後主詩歇霧含空翠水經注騰雲冠峯高霞翼嶺岫壑冲深合烟罩

霧梁簡文帝詩溶溶紫烟合鬱鬱紅塵飛鮑照詩清潭圓翠合

灘月碎光流

水經注砥柱以下激

石雲迴環波怒深合有一十九灘水流迅急勢同三峽詩匪東方則明月出之光劉孝綽詩月光隨浪動山影

逐波流岑參詩千柯玉光碎杜甫萬丈潭詩黑知灣環底清見光烟碎劉孝綽望月詩流光照萍蕩波動暝淪

連陳子良詩月影素寒流張說

澧浦饒芳草

水經澧水出武陵充

縣西歷山東至長沙下雋縣西北入于江注澧水流注于洞庭湖俗謂之澧江口也楚辭指余袂兮江中遺余

佩兮澧浦謝朓詩參差殊未來徘徊望澧浦梁簡文帝詩三春澧浦葉九月洞庭枝楚辭沅有芷兮澧有蘭思

公子兮未敢言注澧水之外有芬芳之蘭異於眾草古詩涉江採芙蓉蘭澤多芳草孫綽蘭亭集後序乃藉芳

草鑑滄浪有釣舟書嶠冢尊漾東流為漢又東為滄浪清流之水梁宣帝賦憑怪石而為枕因滄

浪而洗足任昉詩長泛滄浪水平明至曛誰知放歌客

黑劉孝綽詩釣舟盡彩鷁漁子服水紉

初學記古樂府有放歌行樂府解題古詞曰將進酒乘大白大畧以放歌為言王暕觀樂應詔詩思光實難遇詠言寧此意正悠悠張說詩若使巢由同此意不將蘿易放薛易簪纓詩悠悠我思爾雅悠悠

洋洋思也李陵與蘇武書臨河濯長纓念子悵悠
悠張說詩聞道神仙不可接心隨湖水共悠悠

皇甫曾

字孝常冉母弟也天寶十二載登進士第
歷侍御史坐事徙舒州司馬陽翟令詩名

與兄相上下當時比
張氏孟陽景陽云

送孔徵士

後漢書周磐傳磐字堅伯汝南安成
人徵士燮之宗也顏延之陶徵士誄

有晉徵士尋陽陶淵
明南岳之幽居者也

谷口山多處

史記三皇紀人皇乘雲車駕六羽出谷口
蜀志秦宓傳三皇乘祇車出谷口今之斜

谷是也高士傳谷口鄭子真耕於巖石之下名振京師
沈炯詩靈靈谷口廬杜甫詩谷口舊相得宋之問詩山

雜夏雲多草應物
詩尋陽山水多

君歸不可尋

鮑照詩芳歲猶自可日
夜望君歸陸機詩遊子

眇天末還期不可尋

家貧青史在

史記聶政傳家貧客游以為狗屠陶潛五柳先生傳性嗜酒而

家貧不能恒得讀曲歌家貧近店肆江淹書俱啟丹冊並圖青史李白詩青史舊名傳

身老白雲

深

唐書李百藥傳百藥賦帝京篇上數曰何身老而才之壯齒宿而意之新乎穆天子傳白雲在天山陵自

出淮南子白泉之埃上為白雲張正見詩鷲嶺白雲深宋之問詩只在此山中雲深不知處

掃雪開

松徑

開天遺事王元寶每大雪則自所居至坊巷口掃雪開徑迎揖賓客飲宴為煖寒之會李白詩掃雪

松下去劉孝先詩洞戶臨松徑蔡母潛詩草堂松徑深

疏泉過竹林

梁簡文帝曲水詩序分階

樹羽疏泉汎爵駱賓王詠雲酒詩朔空曾紀歷帶地舊疏泉穆天子傳天子西征至于玄池乃樹之竹是曰竹

林庾信思舊銘王子猷之舊徑惟餘竹林孟浩然詩清風在竹林

餘生負丘壑

謝靈運詩餘生

不歡娛何以竟暮歸世說顧長康畫謝幼輿在巖石裏
人問其所以曰此子自謂一丘一壑過于庾亮故宜置
丘壑中謝靈運詩昔余遊京華未嘗廢相送亦何心史
丘壑李白詩故人棲東山自愛丘壑美
滑指傳君子相送以言小人相送以財謝惠連
詩相送越垌林徐陵詩瞻望鄉關何心天地

和謝舍人寓直

案品彙本作和謝舍人雪夜寓直唐書百官志中書省舍人六

人正五品上掌侍進奏參議表章凡詔旨制
勅璽書冊命皆起草進畫既下則署行起居
舍人二人從六品上掌修記言之史錄制誥
德音如記事之制潘岳秋興賦序以太尉掾
兼虎賁中郎將寓直於散騎之省

禁省夜沉沉

獨斷省中本為禁中孝元皇后父名禁避
之故曰省中唐書楊師道傳拜侍中叅預

朝政親遇隆渥性周謹未嘗語禁省事司馬相如上林賦沉沉隱隱磅礴旬磕沈佺期詩天窓虛的的雲竇下

沉沉春風滿舊林

淮南子春風至則甘雨降生育萬物古樂府春風宛轉入曲房兼送小苑百花

香庾信結客少年場行春風滿路香何遜七名翫奇花之春滿摘甘實於夏成張說詩春滿汀色媚景斜嵐氣

侵陸機詩孤獸思故藪離鳥悲舊林張說詩富貴還鄉國光輝滿舊林

滄洲歸客夢

陸雲泰伯

碑滄洲遁跡箕山辭位南史張充傳飛竿釣渚濯足滄洲北史韋曼傳明帝為詩贈之曰潁陽讓逾遠滄洲去

不歸謝瞻詩逝矣將歸客養素克有終江總詩是日送歸客為情自可求謝朓詩歸夢相思夕

青瑣近

臣心

漢書元后傳赤墀青瑣注青瑣者刺為連環文而青塗之也漢官儀黃門之職日暮入對青瑣門拜

名曰夕郎何晏景福殿賦青瑣銀鋪是為閨闥禮記近臣守和宰正百官書綴衣虎賁疏綴衣掌衣服虎賁以

武力事主皆左右近臣宜得其人漢書鄭崇傳上責崇
曰君門如市何以禁切人主崇對曰臣門如市臣心如
水張九齡詩聲華大
國寶夙夜侍臣心
揮翰宣鳴玉

張衡歸田賦揮翰墨以奮藻陳三皇之軌

模晉書虞溥傳含章舒藻揮翰流離周書蘇亮傳論或
揮翰鳳池或著書麟閣國語王孫圉聘於晉定公饗之
趙簡子鳴玉以相注鳴其佩玉以相禮後漢書蔡邕傳
舒紳緩佩鳴玉以步魏志蔣濟傳出為東中郎將濟請
留詔曰天下未寧要須良臣以鎮邊
境如其無事乃還鳴玉未為後也
承恩在賜金

晉書劉弘

傳贊和季承恩建旗南服威靜荆塞化揚江澳王臺卿
奉和往虎窟山寺詩承恩奉教義方當弘受持史記竇
嬰傳孝景三年拜嬰為大將軍賜金千斤所賜金陳之
廊廡下軍吏過輒令裁取為用金無入家者漢書疏廣
傳廣上疏乞骸骨上以其年
建章寒漏起

漢書武帝紀太初元年二

月起建章宮入東方朔傳陛下以城中為小圖起建章
左鳳闕右神明號稱千門萬戶括地志建章宮在雍州
長安縣西二十里周禮夏官挈壺氏掌挈壺以令軍井
注挈壺水以為漏梁漏刻經漏刻之作肇於黃帝之日
宣乎夏商之代冬至晝漏四十五刻冬至之後日長九
日加一列漢舊儀晝漏盡夜漏起省中黃門持五夜
更助掖垣深劉楨詩誰謂相去遠隔此西掖垣董思恭詩歷歷東井舍昭昭右掖垣史記天官書

太微匡衛十二星注東垣左執法上相兩星間名曰左掖門西垣右執法上將間名曰右掖門

司空曙

字文明廣平人登進士第從韋臯于劍南貞元中為水部郎中終虞部郎中詩格清

華為大歷十才子之一

題鮮于秋園林

雨後園林好

王維詩空山新雨後南史袁粲傳獨步園林詩酒自適陶潛詩園林無俗情

幽

行過野通

王維詩勝遊在幽尋李百藥雨後詩雨歇連峯翠烟開竟野通唐明皇詩寒臯野望通

遠山芳草外

謝靈運詩杪秋尋遠山山遠行不近又遠山映疎木楚辭芳草生兮萋萋儲光義詩

遙遙芳草岸屢見春山曉

流水落花中

詩沔彼流水朝宗于海便信詩

流水桃花香徐陵詩直坐落花中王維詩落花半落東流水

客醉悠悠慣

李白詩但使主人能

醉客不知何處是他鄉詩瞻彼日月悠悠我思王勃詩悠悠旅思難孫萬壽詩客意慣風聲

驚啼處

處同

梁簡文帝詩驚啼春欲駛無為更掩扉王維詩驚啼過落花江總詩別鶴聲聲怨愁雲處處同又光

風處傷春時一望

陸機詩節運同可悲莫如春氣甚蘇頌詩東望望春春可憐高適詩倚闥

時一

日暮杜陵東

左傳日云暮矣王粲詩日暮遶西園後漢書地理志京兆尹縣為杜陵故

杜伯國有周將軍杜舉祠宣帝元年更名杜陵又神爵四年鳳凰十一集杜陵

李端

字正已趙州人大歷五年進士初授校書郎後官杭州司馬與盧綸輩十人唱和號大歷

子才

茂陵山行陪韋金部

記纂淵海茂陵山在扶風東北林壑秀美漢末馬超

居此一統志山在鳳翔府扶風縣東北三十里唐書百官志戶部其屬有四三曰金部通

典金部掌庫藏金寶貨物

宿雨朝來歇

江總詩初晴原野開宿雨潤條枚李嶠詩大江開宿雨征棹下春流晉書王徽之傳

西山朝來致有爽氣
庾信詩兩歇殘虹斷

空山秋氣清

盧思道詩空山照
秋月王維詩空山

不見人禮記乃讎以達秋氣春秋繁露春
氣愛秋氣嚴杜甫詩露下天高秋氣清

盤雲雙鶴

下梁簡文帝頌盤雲轉蹀塵開曹植詩雙鶴俱遨遊
何晏詩雙鶴比翼遊羣飛戲太清方干詩鶴盤遠

勢投孤嶼沈約聞夜
鶴篇暫下昆明池

隔水一蟬鳴

王維終南山詩隔
水問樵夫岑參詩

盈盈一水隔莊子覬一蟬方得美蔭而忘其身
禮記仲夏之月蟬始鳴傳休奕詩蟬鳴高樹間

古道

黃花落

李白詩撥雲尋古道杜甫詩柴門古道傍禮
記季秋之月鞠有黃花張翰雜詩青條若總

翠黃花如散金楚
辭餐秋菊之落英

平蕪赤燒生

杜甫詩懷古視平蕪
高適詩出門何所見

春色滿平蕪司空曙詩晚燒平蕪外又
赤燒兼山遠顏延之詩山烟冒壠生

茂陵雖有病

史記司馬相如傳相如既病免家居茂陵天子曰司馬相如病甚可往悉取其書若不然後失之矣陸倕詩長卿猶得伴君行屈原九歌時不可兮再得聊道病猶在恒結伴杜甫詩青春作伴好還鄉唐書李靖傳臣雖老尚堪一行詩與子偕行

訓大理寺評事張芬

唐書百官志大理寺評事從八品掌出使推按

凡承制推訊請魚書以往

君家舊林壑

南史顏延之傳何偃于路中遙呼延之曰顏公延之答曰身非三公之公又非

田舍之公又非君家阿公何以見呼為公搢紳錄御史姚生於條山之陽結茅以居之林壑重深囂塵不到謝靈運詩林壑歛暝色劉孝勝詩林壑秋籟急寄在亂峯西漢書息夫躬傳歸國未有

第宅寄居丘亭鮑照詩嚴風亂山起
謝靈運山居賦羣峯參差出其間
近日春雲滿褚淵

碑文音微與春雲等潤岑參詩潭
樹暖春雲素怨已詩綺閣雲霞滿
相思路亦迷韓非子六

國時張敏與高惠二人為友每相思不能得見敏便
于夢中往尋但行至半途即迷不知路遂回如是者

三范雲詩相思心欲然沈約
詩夢中不識路何以慰相思
聞鐘投野寺庾信詩山寺響晨鐘

岑參詩高僧暝不見月出但聞鐘杜甫詩野寺
根石壁岑參詩近鐘清野寺又野寺夕陽邊
待月

過前溪拾遺記越有美女夷光脩明貢於吳吳處杼
花之房貫細珠為簾幌朝下以蔽景夕捲以

待月杜審言詩卷簾惟待月前
溪歌憂思出門倚逢郎前溪渡
悵望成幽夢王融曲水詩序

體元則大悵望姑射之阿謝朓詩悵望南浦時杜甫
詩悵望好林泉謝朓詩歸夢相思夕沈約佛記序或

憑人以言托想成夢依依識故蹊陶潛詩依依在耦
耕梁簡文帝詩依
九難信曉一無所錄
依別路岐江總詩共此依依情無奈年年別謝靈運
詩來人忘新術去子惑故蹊杜甫詩桃陰想舊蹊

賦得山泉送房造

泉水山邊去

易山下出泉詩必彼泉水亦流于淇張
僧鑒得陽記雞籠山下澗中有數十處

累石若有人工水深尺
餘朝夕輒有湧泉溢出
高人月下看

蓮社高賢傳宋
武曰遠公世表

之人元結詩高人黨茂宗王勃詩林塘花月下李白
廬山瀑布詩海風吹不斷江月照還空王昌齡詩青

山明月
夢中看潤松秋草淨

沈約高松賦露雖滋而不潤孫
楚詩晨風飄岐路零雨霑秋草

李白詩甘與秋草同
杜甫詩茅齋付秋草
落澗夜聲寒

江總詩石澗水
流靜山窓葉去

寒張說詩石澗泉虛落松崖路曲迴梁元帝詩
金鋪掩夕扇玉壺傳夜聲水經注林寒澗肅
委曲

穿深竹

子虛賦紆徐委曲鬱橈谿谷王維詩洞房潺
隱深竹清夜聞遙泉杜甫詩映竹水穿沙潺

湲過遠灘

魏明帝詩汎舟黃河隨波潺湲謝靈運詩
且申獨往意乘月弄潺湲益州記伏犀灘

東南六十里
其崖峻嶮遠

聖朝無隱者

馮衍說鄧禹書聖朝享
堯舜之榮張九齡詩聖

朝岩穴選應待鶴書徵岑參詩聖朝無
閑事自覺諫書稀論語子曰隱者也

早晚罷漁竿

詩夜如何其箋夜如何其問早晚之詞李頎詩早晚
薦雄文似者宋書江夏王義恭傳若以蒲帛之聘感
以大倫之美庶投竿釋褐翻然來儀應璉與弟書昔
伊尹輟耕邠鄆投竿杜甫詩白水漁竿容清秋鶴髮
翁

雲陽觀寄袁綢

花洞晚陰陰

徐彥伯詩花洞留宸賞還旗繞夕烟王勃詩牽花尋紫洞步葉下清溪又洞晚

秋泉冷巖朝古樹新漢書禮樂志靈之至慶陰陰相放惠震澹心

仙壇隔杏林

范雲詩石室棲

千秘金壇謁九仙唐樂章瑤壇肅靈瑞金闕映仙居神仙傳董奉居山不種田日為人治病亦不取錢重

病愈者使栽杏五株輕者一株如此數年計得十萬餘株鬱然成林

漱泉春谷冷

庾信麥積

山佛龕銘漱泉珉谷吹塵石床庾闡詩手澡春泉潔目翫陽葩鮮薛道衡文春泉如醴出自京師秋露凝

甘遍於竹葦宋孝武帝清暑殿賦山懷風兮谷吐泉隋煬帝詩谷泉驚暗石風松動夜聲梁昭明太子答

晉安王詩冷泉石鏡一見何必勝於傳聞庾信詩風池還更煖寒谷遂成暄

搗藥夜牕深

宋武帝紀帝伐荻新洲見大蛇射之傷明日復至洲裏聞有杵臼聲見童子數人皆青衣搗藥曰吾王為

劉寄奴所射合散傅之帝叱之皆散仍收藥而返傅休奕擬天問月中何有白兔搗藥梁簡文帝詩何時

玉窓裏夜石上開仙酌淮南子紫芝生於山而不能生於磐石之上陶潛詩故老

贈余酒乃言飲得仙庾信詩仙童下赤城仙酒餉王平李德林詩壺盛仙客酒瓶貯帝臺漿楚辭華酌既

陳有瓊松間對玉琴宋書蕭思話傳嘗從太祖登鍾山北嶺上使於石上彈琴因賜

以銀鍾酒謂曰相賞有松石間意宋之問詩松間明月長如此鮑照詩玉琴生網羅王融詩每聚金爐氣

時駐玉琴聲梁元帝詩金戴家溪北住續晉陽秋戴逵不樂當世

徽調玉軫茲夜撫離鴻以琴書自娛隱會稽剡山徵國子博士不就世說郝超每聞欲高尚隱退者輒為辦百萬資并為造立居

宇在剡為戴逵起宅甚精整戴與所親書曰近至剡如官舍名勝志剡山在嵊縣西北其支隴東下為戴安道宅又黃山在縣南十里又名方山其下為戴安道宅今屬桃源鄉雪後去相尋晉王徽之居山陰夜雪初霽月色清朗四望皓然忽憶戴逵逵時在剡便夜乘小船詣之造門不前而反人問其故徽之曰本乘興而來興盡而反何必見安道耶

題崔端公園林

杜氏通典侍御史之職有四謂推彈公解雜事定殿中監察以

下職事及進名改轉臺內之事悉主之號為臺端他人稱之曰端公其知雜事者為之雜

端最為

雄劇

上士愛清輝

老子上士聞道勤而行之沈約詩側聞上士說尺木乃騰霄江淹別賦別有華陰上

士服食還仙陸機詩清暉溢天門謝靈運詩山水含清暉李白詩清暉映竹石開門向翠微楚

令昭明兮開門古樂府開門枕水渚王勃詩九日重陽節開門有菊花爾雅山未及上曰翠微疏謂未及頂上

在旁陂陀之處名翠微一說山氣青縹色故曰翠微抱也左思蜀都賦鬱蓋蓋以翠微何遜詩高山鬱翠微抱

琴看鶴去

嵇康絕交書抱琴行吟弋釣草野張說詩悠然白雲意乘興抱琴過孟浩然詩抱琴來取

醉垂釣坐乘閒湯惠休詩黃鶴西北去銜我千里心王勃序徘徊去鶴將別蓋而同飛枕石待雲

歸

陸雲逸民賦策短杖而遂往乃枕石而漱沅南史隱逸傳關康之寓居南平昌顏延之等入山候之見其

散髮被黃布帔席松葉枕一塊白石而卧了不相盼延之等咨嗟而退謝靈運詩雲歸日西馳鮑照詩朝朝見

雲歸梁元帝詩雲歸山望濃

野坐苔生席

李嶠詩野席蘭琴奏宋書五行志謝靈運每出入自

扶接者常數人民間謠曰四人挈衣裾三人捉坐席梁
元帝詩苔生岸泉綠沈約詩客位紫苔生江淹思歸賦
青苔生兮綴衣巾杜高眠竹挂衣耿漳竹庭詩閒詠疎
甫詩隨意坐莓苔

華與弟苔書未遇趙公之舉馬廐高眠古今一
也韋應物詩橫竹挂朝衣杜甫詩絺衣挂蘿薜舊山東

望遠

謝靈運詩剖竹守滄海挂帆過舊山鮑照詩願遂
宿志意不使舊山空陳琳詩東望看疇野迴顧覽

園林蘇頌詩東望望春春可憐楊炯惆悵暮花飛馮衍
詩極望關山遠李白詩望遠增離憂

賦情惆悵以增傷晉書習鑿齒傳徘徊移日惆悵極多
杜甫詩臨風默惆悵蕭瑟詩窓梅落晚花庾成師詩憶

別春花飛韋述詩花飛樵路
香杜甫詩一片花飛減却春

耿漳

早朝

韻會朝見曰朝夕見曰夕劉向賢明讚於
鑠姜后光配周宣晏起早朝永巷告愆江

總詩五侯新拜

寵七貴早朝歸

鐘鼓餘聲東

詩鐘鼓既設一朝饗之禮記鍾鼓千戚所
以和安樂也案鐘古作鍾七啟鍾鼓俱振

蕭管齊鳴沈佺期詩崩上樓臺千里起城中鐘鼓四天
聞文心雕龍韻氣一定故餘聲易遣案唐汝詢解本餘

聲作音聲禮記君子聽鐘聲則思
武臣聽鼓聲之聲則思將帥之臣
千官向紫微荀子古

千官諸侯百官春秋合誠圖北辰其星五在紫微中春
秋元命苞紫之言此也言天神運動陰陽開閉皆在此

中也晉書天文志紫微大帝之座天子之常居也孔融
薦禰衡表龍躍天衢振翼雲漢揚聲紫微垂光虹蜺

冒寒人語少

晉子夜歌塗澁無人行冒寒往相覓南史
梁武帝紀冬月四更竟即勅把燭看事執

筆觸寒手為皴裂世說有北來道人好才理與林公相遇瓦官寺講小品於時竺法深孫興公悉共聽此道人語李白詩若耶溪邊採蓮女笑隔荷花共人語魏志邢顗傳言少理多真雅士也

乘月燭來稀

晉詩袁宏傳謝尚鎮牛渚秋夜乘月率爾與左右微服泛江入庾亮傳亮鎮武昌佐史殷浩之徒乘月登南樓不覺亮至將起避之亮曰諸君少住老子於此興復不淺王績詩青溪歸路直乘月夜歌還張九齡望月詩滅燭憐光漏披清漏聞馳道謝朓酬德賦忘清漏之不緩衣覺露滋惜曉露之方晞杜審言詩霜

白宵鐘徹風清曉漏聞史記始皇紀二十七年治馳道注馳道天子道也謝朓詩飛甍夾馳道垂楊蔭御溝陽固詩御溝屬清輕霞映瑣闈謝莊詩夕天霽晚氣輕洛馳道通丹屏霞澄暮陰謝瞻詩輕霞

冠秋日迅商總清穹王維詩山鳥羣飛日隱輕霞郭璞三珠樹贊濯彩丹波自相霞映江總木槿賦朝霞

映月殊未妍
珊瑚照水定
非鮮漢舊儀
黃門郎日暮
入對青瑣闥
拜名曰夕郎
王洙杜甫詩
緩步歸青瑣

注青瑣謂省門也
以青畫戶邊
猶看嘶馬處
庾信詩
連峯對

嶺度嘶馬隔河聞
吳均詩日昏笳亂動天曙
馬爭嘶使信詩胡笳遙警夜塞馬暗嘶羣
未啟掖

垣扉
薛元超詩儲禁銅扉啟宸行玉路遙
蔡夢弼杜甫詩
晚出左掖注宣政殿東有東上閣門西有西上

閣門故以掖稱
劉楨詩誰謂相去遠
隔此西掖垣
董思恭星詩
歷歷東井舍昭昭右掖垣
王勃九成宮頌宸扉

既闢一字宙而來王聖
錄潛躋貳乾坤而作帝

贈田家翁

老人迎客處

禮記七十曰老又客至於寢門主人出
迎客王維詩田舍有老翁垂白衡門裏
籬

落稻畦間

廣韻籬藩籬也落聚落也急就篇注田區謂之畦今之種稻及菜者取名

蠶屋朝

寒閉

禮記古者天子諸侯必有公桑蠶室近川而為之築宮俛有三尺棘牆而外閉之揚泉蠶賦粵召夫

後築室於房於房伊何在庭之東東受日景西望餘陽庾肩吾詩蠶寒更養身蠶書居蠶欲溫居繭欲涼田

家書雨閒

庾信詩田家足閒暇鮑照詩晝夜淪露雨

門間新薙草

爾雅巷門謂之間禮

記仲夏門間母閉孟冬戒門間周禮薙氏掌殺草月令季夏之月大雨時行燒薙行水利以殺草如以熟湯鄭注薙猶迫也芟草也謂萊地先薙其草乾燒之至此月大雨水潦蓄其中而田美可稼也

樵採舊諳

山

史記孫叔敖為相勸民冬秋山採春夏以水各得其便范雲詩田家樵採去薄暮方來歸

自道誰

相友

孟子出入相友

邀人試往還

文心雕龍木杵水匝樹雜雲合目既往還心亦吐納劉長

鄉詩田家
或往還

李嘉祐

字從一趙州人天寶七年擢第授秘書正
字歷鄱江江陰令入為中臺郎上元後歷

台州袁州刺史與嚴維劉長卿冷朝
陽諸人友善為詩麗婉有齊梁風

和張舍人中書寓直

通典漢尚書郎直宿建禮
門奏事明光殿及為詔令

乃中書舍人也記纂淵海中書省令
二人總判省事唐開元改紫微令

漢主留才子

皇甫謐釋勸論輔唐虞之主化堯舜之人
王褒頌遇明君遭聖主洪子輿詩漢主名

子陵任昉文預奉恩留左傳昔高陽氏有才子八人天
下之民謂之八愷高辛氏有才子八人天下之民謂之
八元潘岳西征賦終童山東
之英妙賈生洛陽之才子
春城直紫微
吳邁遠詩綠
樹搖雲光春

城起風色王維詩柳暗百花明春深五鳳城蘇頲春晚
紫微省直詩直省清華接建章晉書天文志紫微太帝

之座天子之常居也唐書百官志開元元年改中
書省曰紫微省岑參詩聯步趨丹陛分曹限紫微對花

閭闔靜

何遜詩誰能北窗下獨對後園花岑參詩三殿
花香入紫微白居易詩獨坐黃昏誰是伴紫微

花對紫微郎離騷吾令帝閭開闔兮倚閭闔而望予漢
書禮樂志遊閭闔觀玉堂注閭闔天門崔顥詩夜直千

門靜過竹吏人稀

蔣渙和徐侍郎中書叢竹韻中禁夕沉
沉幽篁別作林喬知之寓直詩開軒竹

氣靜蘇頲詩竹下鵲雛繞鳳岑參詩
條山暎吏人王維詩省中啼鳥吏人稀裁詔催添燭典

中書舍人下筆為詔誥文士之極任諸官莫比王維詩
朝罷須裁五色詔呂氏春秋管仲鴈桓公樂之而微燭

唐書柳公權傳公權充翰林書詔學士嘗夜召對於亭
燭窮而語未盡宮人以蠟液濡紙繼之韓翃詩日暮漢

宮傳蠟燭將朝欲更衣

左傳趙宣子盛服將朝尚早坐而假寐張華詩束帶俟將朝廓落晨星稀

詩東方未明顛倒衣裳漢書灌夫傳坐乃起更衣

玉堂宜歲久

三輔黃圖未央宮有殿閣三十

二枿房玉堂在其中風賦徜徉中庭北上玉堂陰鏗詩瀛洲玉作堂詩奉璋我我髦士攸宜唐書楊綰傳舍人年久者為閤老杜甫詩長番歲時久且莫厭彤闈

漢書嚴助傳厭承明之廬勞侍從之事劉孝綽

詩積照朗彤闈庾信詩傳呼擁絳節交戟映彤闈

和都官苗員外秋夜寓直對雨簡諸知己

唐書

百官志刑部都官郎中員外郎各一人掌俘隸簿錄

多雨南宮夜

楚辭山峻高以蔽日兮下幽晦以多雨漢書天文志月失中道移而西入畢則多雨

故詩云月離于畢俾滂沱矣言多雨也杜甫詩碧澗雖多雨秋沙先少泥史記天官書注太微天帝南宮也卽位五星在太微中帝坐東北何遜詩鄭履入南宮庾信詩南宮生絳雲

仙郎寓直時

王維詩仙

郎有意憐同舍李頎詩漢宮題柱憶仙郎潘岳秋興賦序寓直於散騎之省唐書百官志侍御史凡三司理事

與給事中中書舍人更直漏長丹鳳闕

劉孝威詩赤道漏猶長李愷詩

雙闕天河近千門夕漏長唐六典丹鳳門在含光殿前漢書東方朔傳陛下以城中為小圖起建章左鳳闕右

神明號稱千門萬戶唐太宗詩爽氣浮丹闕王維詩帝子遠辭丹鳳闕

秋冷白雲司

潘岳秋興

賦露淒清以凝冷薛道衡詩月冷疑秋夜虞世南詩紫殿秋風冷漢書百官公卿表注黃帝受命有雲瑞故以雲紀事春官為青雲夏官為緡雲秋官為白雲冬官為黑雲中官為黃雲

螢影侵階亂

蕭和螢火

賦時臨池而泛影陽綰照帙秋螢詩飛
影黃金散李邕詩瀑水侵階濺舞衣
鴻聲出苑遲禮記

季秋之月鴻雁來賓謝靈運詩飛鴻響遠
音陳後主夜亭度雁賦聽霜鴻之度聲
蕭條人吏散

楚辭山蕭條而無獸兮野寂寞而無人鮑照舞鶴賦臨
驚風之蕭條後漢書第五倫傳蜀地肥饒人吏富實南

史張纘傳為吳興太守省煩苛務清淨人吏皆拱手
吏使之李白詩政成聞雅頌人吏皆拱手
小謝有新詩

李白宣州謝朓樓詩蓬萊文章建安骨中間小謝
又清發張華詩援翰賦新詩陶潛詩登高賦新詩

送韋邕歸鍾山

輿地志鍾山古名金陵山一名北山齊周顒隱於此其山磅礴

奇秀比諸山特高宋濂遊鍾山記鍾山一名
金陵山漢末秣陵尉蔣子文逐賊死山下吳
大帝封蔣侯大帝祖諱鍾又更名蔣山實
作揚都之鎮武侯所謂鍾山龍蟠是也

祁門官罷後

唐書地理志歙州新安郡縣六歙休寧黟績溪婺源祁門一統志祁門在徽州府城

西一百八十里本黟縣地唐永泰初土寇作亂偽置

閭門縣後討平因其壘置縣以縣東北有祁山西南有

閭門灘乃合名祁門李白詩

負笈向桃源

謝承後漢書袁宏博覽羣書六

黃霸初臨郡陶潛未罷官

藝常負笈尋師又高弘到官自負笈單步入界荊州先

賢傳董正少有美姿太守舉孝廉正負笈單步上還舉

版也葉少蘊桃花源述淵明所謂桃花源今弔州桃花

觀卽是其處湖湘間人頗能言其勝事云自晉宋來由

此上昇者六人山十里間無雜禽惟二鳥往來觀中未

嘗有增損淵明言劉子驥聞知欲往不果子驥見晉書

隱逸傳儲光義詩去時能憶

萬卷常開帙

博物志蔡邕有書近萬卷

竹園遊來時莫忘桃源記

王維詩開軒御衣服散帙理

千峯不閉門

吳均與朱元思書爭高直

章句張謂詩不用開書帙

指千百成峯李白詩千峯爭攢聚萬壑絕凌歷後漢書
孫敬常閉戶號閉戶先生晉書後人為羊祐諱以戶為

門庾信小園賦綠楊垂野渡本草注江東人通名楊柳
北人都不言楊楊樹枝葉

雖有門而常閉短柳樹枝葉長又楊枝硬而揚起故謂之揚柳詩長條垂
垂流故謂之柳蓋一物二種也梁元帝綠柳詩長條垂

拂地張正見詩楊柳未垂空說文津水渡也黃鳥傍山
王維新晴野望詩郭門臨渡頭村樹連谿口

邨禽經倉庚鷺黃黃鳥也今謂之黃鷺黃鸝野民曰黃
栗留語聲轉耳其色鷺黑而黃故名鷺黃詩云黃鳥

以色呼也杜甫詩黃鳥時兼白鳥飛念爾能高枕詩無
王維詩歲晏輸井稅山邨人夜歸

祖孟浩然詩念爾習詩禮未曾違戶庭漢書酈寄說呂
產呂祿云高枕王千里李白詩羨君無紛喧高枕碧霞裏

岑參詩郡中丹墀會一論李白詩鼓鐘出朱邸金翠照
無事高枕眠丹墀蕭穎士詩紫英黃萼照

灼丹墀鮑照詩寧能
與爾曹瑕瑜稍辨論

吳玘

少微子以文行知名
開元中為中書舍人

白雲溪

爾雅水注
川曰溪

山徑入脩篁

水經注山徑委深王績詩山徑本幽迴杜
審言詩薜蘿山徑入荷芰水亭開任昉秋

竹賦臨池沼夾脩篁顧野王虎

深林蔽日光

宋之問詩
林篁天際

丘山序曲澗潺湲脩篁蔭映

密漢書嚴助傳行數百千里夾以深林叢竹荀子芷蘭
生於深林非以無人而不芳劉向九歎皋杳杳以蔽日

後漢書丁鴻傳干雲蔽日之木起於葱青

夏雲生嶂遠

楊子赫赫乎日出之光阮籍詩皎若白日光

顧愷之詩夏雲多奇峯沈約詩夏雲清朝景謝靈運詩
雲生嶺逾疊謝朓詩雲生樹陰遠盧思道詩極野雲峯

合遙嶂日輪低張九齡詩雲嶂天涯盡

瀑水引溪長

梁簡文帝招真館碑瀑水懸流雜天河而

俱洒蘆照鄰詩瀑水含秋氣垂藤引夏涼蘇味道詩瀑水交飛雨氣寒宋之問詩逶迤碧水長

秀跡逢

皆勝

劉孝綽詩林塘多秀色王勃山亭晏序留美跡於芳亭晉書孫統傳淪跡下邑窮觀勝地南史梁始

興王愔傳勝境名山多所尋履王同詩美景多勝跡清芬坐轉涼

陸機文賦誦先人之清芬謝靈

運山居賦旦延陰而物清夕栖芬而氣敷楚辭風伯為余先驅兮氛埃辟而清涼陶潛詩清涼素秋節

回

看玉樽夕

神異經西北荒中有玉饋之酒酒泉注馬上神異經西北荒中有玉饋之酒酒泉注馬上

乾時曹植樂府日苦短樂有餘乃置玉樽辦東厨江淹詩共惜玉樽暮願使光陰遲

歸路賞前忘

陶潛詩行行循歸路沈佺期詩歸路烟霞晚謝靈運詩清暉能娛人游子澹忘歸沈約詩忘歸屬蘭杜



御選唐詩卷十四



總校官庶吉士臣張能照

校對官檢討臣郭寅

謄錄監生臣劉書